


閑



尚友錄卷十六

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

張任鄭 若虔

孫 校正

張任郎 夢選

十四早

管

徵音平昌周文王第三子
封于管爲管叔以國爲氏

管

仲

周名夷吾春秋時潁上人少與鮑叔牙爲友
嘗曰吾與叔牙分財多取不以我爲貪知我

貧也謀事困窮不以我爲愚知時不利也三仕
三退不以我爲不肖知不遇時也三戰三走不
以我爲怯知我有老母也生我者父母知我者
鮑子後相齊桓公富國強兵攘夷狄尊周室九
合諸侯一匡天下孔子曰微管仲吾其被髮左
衽矣許其有仁者之功所著有管子八十六篇
初仲得于魯縛而檻之使役人載而送之齊
皆謳歌而引仲恐魯止而殺已也欲速至齊
謂役人曰我爲汝唱汝爲我和其
和適宜役人不倦而取道已遠

管

寧

漢字幼安朱虛人美鬚眉少與華歆同席讀
書有乘軒冕過門者歆廢書觀之寧與割席
分坐曰子非吾友也嘗與歆共鋤菜地遇金寧
揮鋤不顧歆捉而擲之漢魏之際居遼東二十
年孟觀蔡邕王基薦之曰寧含章葆素水潔淵
清匿景藏光嘉遯養浩金聲玉色久而彌章前
世未有勵俗獨行若寧者魏明帝安車蒲輪束
帛加璧聘焉家貧好學一藜床五十年當膝處
皆穿卒年八十四子邈爲博士幼安在遼
東鄰人有牛暴幼安田幼安牽牛著涼處自與
飲食過于牛主牛主得牛大慚若犯嚴刑嘗
見公孫度語唯經典不及世事乃因山爲廬鑿
坏爲室越海避難者皆就之旬月成邑遂講詩
書陳俎豆飭威儀明禮讓非從學者弗見由是

度安其賢民化其德邴原時亦在遼好以清議格物度以下心不安之幼安謂原曰潛龍以不見爲德言非其時皆招

禍之道也密勸之西還

管

輅

三國字公明平原人明周易精于天文風角占相之術每言輒應嘗曰吾恐四十七八間

不見男婚女嫁也果年四十八而卒年十五

從其父之瑯邪太守單子春聞輅名請見會客

百餘人皆才辨之士管曰輅年少膽未堅請先

飲三升清酒然後可談酒畢問太守今欲與輅

對者爲誰子春曰吾自與卿旗鼓相當因相與

劇談半日衆莫能難子春歎曰絕似司馬長卿

管

辰

唐撰管輅
傳三卷

管師復

宋龍泉人與弟師嘗俱有盛名從胡瑗遊師復善詩自號臥雲先生仁宗召至問曰卿所得何如對曰滿塢白雲耕不盡一潭

明月釣無痕臣所得也不受爵命

筦

筦

輅

漢瑯邪人受公羊春秋於疏廣後仕爲御史中丞孫寶師之

滿

山陽宮音陳胡公滿之後又荆蠻有瞞氏音舛變爲滿氏又望出汝南河東

滿

寵

三國字伯寧昌邑人仕魏屢立戰功官至太尉寵不治產業家無餘財詔賜田四十頃穀

五百斛錢二十萬以表清節謚景侯

滿闋

宋自號逍遙子工詩有唐人風其苦吟詩云
髮任莖莖白詩須字字精又貧居詩云長喜

詩無病不愁家更貧坐盧多遜黨得罪避舒州
瀟山寺中為行者題詩鍾樓云頑童趁暖貪春
睡忘却登樓打曉鍾孫僅見之曰此
逍遙子也令寺僧呼之闋已亡去

散

上聲今江
東有此姓

散宜生

周文王
四友

十五潛

簡

宮音范陽晉續簡伯
之後又望出涿郡

簡

卿

漢嘗受尚書于兒寬

簡

雍

三國字憲和范陽人性跌宕風儀優游少與昭烈善昭烈至荊州雍為從事中郎力勸取

成都遂為說劉璋歸命後拜昭德將軍時天旱禁酒吏于人家得釀具皆罪之雍侍先主遊見一男一婦同行曰彼將行淫主曰何以知之曰彼有其具與釀具同主大笑而赦有釀具者

棧

見姓苑音潺

棧

潛

南北任城人魏歷縣令嘗督守鄴城時文帝為太子耽樂田獵晨出夜還潛諫曰都城禁

衛用戒不虞若以一日從禽之娛而亡無窮之釁愚竊惑之太子不悅然自後遊出差減明帝

時衆後並興戚屬疏斥潛上疏曰陛下纂承洪緒宜崇晏安與民休息乃日費千金大興殿舍恐民力彫盡下不堪命也親親顯用則安危同憂深根固本永保無極後燕辟爲中尉不就

十六銑

蹇

山陽蹇叔之後

蹇

重

周魏文侯觴大夫于曲陽飲酣文侯喟然歎曰吾獨無豫讓以爲臣蹇重舉酒進曰臣請

浮君文侯曰何以對曰臣聞之有命之父母不知孝子有道之君不知忠臣夫豫讓之君亦何

如哉文侯曰善受浮而飲之醕而不讓曰無管仲鮑叔以爲臣故有豫讓之功也

蹇遵

三國著左傳

斷義七卷

蹇昌仁

唐註陰符

經一卷

蹇周輔

宋善著文宗命

答高麗書稱旨

典

陳留見
姓苑

典韋

漢陳留人形貌魁梧膂力過人從曹操討呂
布于濮陽操募陷陣者韋手持戟十餘大呼

起所抵無不應手倒者布衆退拜韋都尉其
後張綉反襲操營韋戰歿

子滿爲中郎

雋

才充切渤
海羽音

雋不疑

漢字曼倩渤海人治春秋爲郡文學進退必以禮武帝末以暴勝之表薦徵拜青州刺史

昭帝時擢京兆尹京師吏民敬其威信每行縣錄囚徒還其母聞有所平反則喜否則怒故不

疑爲吏嚴而不殘霍光欲

妻以女固辭後以病免

單

南安徵音周成王封少子臻于單邑爲甸內侯因氏焉音善

單父

漢字仲孺種藝牡丹能變易千種人呼爲花師

單道開

三國燉煌人常依粗褐吞細石子晝夜不卧石龍時從西來一日行七百餘里至秦州送

至鄭後入羅浮山獨處茅茨蕭然物外百餘歲卒

單雄信

隋王世充將善用馬槊號飛將

單以清

唐嘉定人元陽觀道士大歷中嘗之嘉興人船聞異香疑有非常人遍目同載者惟船頭

一人儀趣頗殊單君遷坐與並席香氣彌甚因從容問之答曰吾此地人少病大風迷深山遇一老人哀之令從行有葺堂數間老人曰汝且居此一月後自來視汝以藥丸一裹今餌之老人遂行更入深山吾入堂餌藥不饒渴身日以輕兩月老人來笑曰有心哉故在此疾已瘳矣至水濱照之鬚眉皆生顏色益少老人曰汝既服吾藥可長生人間且勤脩道術以二十年爲期遂導令却歸吾拜問其姓名老人曰子聞國初衛公李靖乎我是也乃辭出山今限將及再

入山尋師耳單君因

記其事爲人道之

單士寧

宋慶歷中與
同編脩史館

展

河東魯孝公子展之後無
駭卒公命以字爲展氏

展

禽

周名獲字季魯人居柳下仕魯爲士師三黜
而不去人問之曰直道而事人焉往而不三

黜枉道而事人何必去父母之邦卒謚曰惠孟
子稱其不羞汙君不辭小官進不隱賢必以其
道又曰柳下惠聖之和者也 有魯男子獨居

夜風雨屋敗忽一女投之男子不納婦曰子知

柳下惠乎納女懷中國人不稱其亂男子曰在
柳下惠則可吾則不可將以吾之不可學柳下

惠之

可

展上公

周脩道于句容
縣玉晨觀得仙

展子奇

漢工畫為
畫家三史

展伯興

宋邵武人上官佐
志列於文學傳

善

望出
河內

善

卷

上古武陵人居于枉渚堯聞得道乃北面師
之及堯受終之後舜又以天下讓卷卷曰余

立于宇宙之中冬日衣皮毛夏日衣葛絺春耕
種形足以勞動秋收歛身足以體息日出而作

日入而息逍遙于天地之間而心意自得吾何以天下爲哉悲夫子之不知余也遂不受去入深山莫知其處宋政和間賜號曰遁世高蹈先生

扁

音辯渤海又望出南陽

扁

鵲

周史記云姓秦名扁鵲越人醫書云廬國人姓扁名鵲魏文侯謂扁鵲曰子之兄弟三

人孰爲最善醫扁鵲曰長兄於病視神未有形而除之故名不出於家中兄治病其在毫毛故名不出於閭若扁鵲鑱血脉投毒藥敷肌膚間而名出聞於諸侯

十七篠

趙

直紹切天水角音顓帝伯益之後十三代至造父事穆王以功封趙城子孫因氏秦併六國子

孫分散至漢京兆尹廣漢世居涿

郡宋僖祖生長于燕卽其後也

趙

衰

周字子餘臨晉人夙之孫有深志遠謀重耳安于齊與舅犯謀勸公子歸後襄王命爲卿

以讓欒枝文公反國及伯多出其謀以衰爲原

大夫任以國政卒謚曰成子盾字孟謚宣子

代父爲卿嘗舉韓厥爲中軍尉賈季曰趙衰冬

日也趙盾夏日也晉靈公不君從臺上彈人膳

夫胹熊膳不熟殺之盾驟諫公曰吾知所過矣

盾拜曰人誰無過過而能改善莫大焉公患之

使鉏麇賊之不果召盾飲酒伏甲兵攻之車右

祈彌明知之扶而出門甲與公介靈輒倒戈禦

之走而免宣子亡未出境聞趙穿弑公桃園乃
反太史書曰趙盾弑其君宣子曰穿也曰子爲
正卿亡不出境歸不討賊非子而誰孔子曰董
狐古之良史也書法不隱宣子晉之大夫也爲
法受惡 盾子朔 朔子武父朔爲屠岸古所
殺朔妻成公姊遺腹生武賈索之急賴程嬰杵
臼以免後立爲卿相悼公薄諸侯之幣
而重其禮諸侯以是睦于晉卒謚曰文

趙

奢

周趙人爲田部吏秦伐韓請救于趙趙以奢
爲將大破秦軍號馬服軍其子括徒能讀父

書長平之役
白起射殺之

趙

鞅

周號簡子周舍立簡子之門三日夜簡子問
之曰天子將何以令我周舍曰願爲謬謬之

臣操筆隨君之後而書君過簡子與處無何而
舍死簡子後與諸大夫飲酒酣簡子泣謂曰百
羊之皮不如一狐之腋衆人之唯唯不如一士
之諤諤自舍死後吾未嘗聞吾過也軼嘗南擊
楚渡漢津吏醉卧欲殺之其女持揖而言曰妾
父聞君南渡故禱九江三淮之神不勝杯酌至
此妾願當之易父之命簡子將渡而少一人乃
備員中流發激棹之歌簡子大悅以爲夫人

趙

勝

周武陵王子秦圍邯鄲急用毛遂合楚之盟
又請救魏公子無忌遂復存趙食客嘗數千

人號平原君與齊孟嘗君楚春申君魏信陵君
爲四豪太史公曰平原翩翩濁世之佳公子也

趙廣漢

漢字子都蠡吾人舉茂才爲陽翟令有治行
遷京兆尹善爲鉤鉅以得事情發奸撻伏如

神威制豪強小民得職匈奴中皆聞名及坐法吏民守闕號泣者數萬曰臣生無益縣官願代

趙京

兆死

趙

禹

漢聚人武帝時以刀筆吏積勞遷爲侍御史中大夫與張湯論定律令禹爲人廉靖爲吏以來舍無食客公卿相造請終不行報謝務在絕請託孤立行意後爲少府九卿以壽卒

趙克國

漢字翁孫上邽人良家子善騎射沉勇有方略武帝朝拜中郎將車騎將軍與霍光定冊

立宣帝元康初羌人叛時克國年七十餘上老之使丙吉問誰可將者克國曰無踰老臣矣馳至金城圖上方略屯田十二事羌破振旅而還封營平侯卒年八十六謚曰壯侯成帝時圖形

麒麟閣

閣

趙

戒

漢南陽太守糾豪傑率吏民奏免中官子弟爲令長貪濁者

趙

咨

漢字文楚胙城人拜東海相道經滎陽令曹嵩望塵不及嘆曰趙君過界不見必爲天下

笑卽棄印綬謁咨咨計日受俸以清節著聲

咨少孤有孝行盜嘗夜劫咨恐毋驚迎盜謝曰

母老且病乞少置衣糧妻子物一無所

吝盜慚而去咨追與之不及由是知名

趙

熹

漢字伯陽宛人從兄爲人所殺熹年十五思報之挾兵以往而仇家皆病熹曰因病殺人

非仁者乃出赴光武召累遷郡刺史有聲帝嘗

延集內戚諸夫人各各前言熹長者往遭赤眉

出長安皆仗熹濟活帝卽引見曰卿非但爲英雄所保婦人亦且懷恩拜太尉封關內侯

趙貢

漢涿郡蠡吾人京兆尹初兄子爲瑯邪太守行縣見不其令薛宣甚悅其後行屬縣還至

府令妻子相與見戒曰薛君廉至丞相我兩子亦爲丞相史後宣果代張瑀爲丞相除貢兩子爲史時稱貢有知人與子之明見云

趙戢

漢字叔茂爲平陵令乃王允故更也允被害莫敢收其尸者戢棄官營塋之李郭嘗捕戢衆人驚危而戢顏色自

若李郭乃悔謝得免

趙壹

漢字元叔漢陽西縣人恃才倨傲不爲鄉里所容作窮鳥賦以自遣客游成州上計到

司空袁逢受計計吏數百皆拜伏廷下壹獨長
揖逢令讓之壹曰昔酈食其長揖漢王今揖三
公何遽怪耶逢卽下執其手延置上座顧謂坐
客曰此漢陽趙元叔也朝士莫有過之者旣出
造河南尹羊陟不得見因上堂舉聲大哭門下
皆驚陟知其非常人也遂出與語大奇之明旦
造訪時諸計吏皆盛飾騎從而壹獨柴車露宿
歛陟坐車下陟曰良璞不剖必有泣血以相明
者遂與袁逢共薦之名大震未幾西還十辟公
府皆不就終于家所著有賦頌箴誄書論及雜
文十六篇 長安巨室宗連長

妻以季女裝資鉅萬遂爲富人

趙

溫

漢字子柔京兆丞雅有大志歎曰太
丈夫當雄飛安能雌伏遠棄官去

趙

孝

漢字長平沛國蘄人時兵荒人相食弟禮為餓賊所得孝聞之即詣賊曰禮瘦不如孝

肥賊驚異並放還鄉顯宗聞其行拜諫議大夫

孝以父田禾將軍任為郎每告歸白衣步

擔嘗從長安還欲止郵亭亭長聞孝當過灑掃

待之孝既到長不肯內因問曰田禾將軍子何

時到孝曰尋到矣後以諫議遷衛尉以弟禮為

御史中丞十日一就衛尉府大官送供具令相

對盡

歡

趙

雲

三國字子龍真定人漢昭烈為曹操所追棄妻于南走時雲為騎將保護皆得免難累遷

翊軍將軍封永昌亭侯五虎將雲居其一號虎威將軍先主嘗曰子龍一身都是膽年八十餘

卒于蜀

趙

達

晉治九宮一筭之術對問若神一旦過知故爲之具食食畢謂曰倉卒乏酒殺也達因取

盤中隻箸再三縱橫之乃言卿東壁有美酒一斛又有鹿肉三斤主人大笑曰以卿善射故以相試遂出酒肉酣飲

趙

至

晉年十四入太學觀時稽叔夜在學寫石經古文事訖去至隨之問其姓名稽曰少年何

以問我至曰觀君風器非常故問耳稽具以告至年十五陽病數數狂走五里三里爲家追得又炙身至十數處年十六遂亡命至洛陽求索稽具道太學中事便逐稽歸山陽

趙文深

南北南陽人少學楷隸雅有鍾王之筆仕元魏爲大丞相府法曹叅軍以善碑榜得名嘗

刻定隸書六

體行于世

趙僧巖

南北北海人寥廓無常人不能測與劉善明友善明爲青州欲舉爲秀才大驚拂衣而去

後忽爲沙門栖遲山谷嘗以一壺自隨一旦謂弟子曰吾今夕當死壺中至夜而亡

趙不器

隋子夏日冬曦和璧安貞居貞願貞彙貞父子八人皆及第時稱科第趙家

趙軌

隋洛陽人父肅後魏廷尉卿軌少好學有行檢後周蔡王引爲記室隋初轉齊州別駕有

能名徵入京師與牛弘撰定律令格式齊州父老送之曰公清如水酌一杯水奉餞軌受飲之

累官壽州總管開廣芍陂三十
六門灌田五千餘頃人賴其利

趙

昱

隋嘉州刺史時有老蛟爲害昱率千人臨江
鼓譟自持刀入水有頃江水盡赤昱執蛟奮

波而出唐太宗封神勇

大將軍廟祀灌江口

趙師雄

隋睢陽人開皇中過廣州南海縣羅浮山天
寒日暮見林間酒肆旁茅舍一美人浚粧胡

色素服出迎時殘雪未消月色微明雄與語極

清麗芳香襲人乃相與扣酒家門共飲一絳衣

童子歌笑雄不覺醉卧既覺但覺風寒相襲東

方未明熟視乃在大梅樹下有翠羽嘈唧其上

月落參橫

惆悵而已

趙 熒

隋字通賢冀州刺史市多奸僞熒造銅斗鍊尺置之肆間百姓稱便上聞而嘉焉詔天下如其法嘗有盜田中蒿者爲吏所執熒曰此刺史不能宣化彼何罪也慰諭遣之令人載蒿一車賜盜盜感

泣過於嚴刑

趙

師

唐字耶利善鼓琴貞觀初獨步上京嘗云吳聲清婉若長江廣流綿綿徐逝國士之風蜀

聲躁急若激浪奔

雷亦一時俊快

趙

德

唐海陽人明經博古力排異端以文學著韓愈聘爲士子師潮人知學自此始號爲天水

生先

趙 璉

唐鹽亭人篤學不仕雅與李白善稱布衣交著書號長短經梓州志稱人傑

趙光逢

五代字延吉以文行知名時人稱其方直溫潤謂之玉界尺仕後梁爲中書侍郎

趙 普

宋字則平薊州人父迥徙洛陽普沉厚寡言事太祖初爲書記能以天下之事爲已任太

宗立拜太師歷相兩朝未嘗爲子弟求恩澤太宗稱曰普能斷大事盡忠國家真社稷臣也及卒追封韓王謚忠獻普初寡學術太祖勸以讀書自是手不釋卷每歸私第啓篋取四書讀之乃論語二十篇也弟安易官

至宗正卿子承宗歷知數州

趙 槩

宋字叔平虞城人少篤學自力器識宏遠中進士仁宗時累官樞密使叅知政事以太子

太師致仕退居十五年嘗爲諫林百二十卷上之仁宗詔褒之卒年八十八謚康靖槩秉性和平雖在事如不言然陰以利物者不少

趙

抃

宋字閱道西安人景祐初進士累官殿中侍御史彈劾不避權倖京師號鐵面御史帥蜀

以一琴一鶴自隨其再任也屏去琴鶴止一蒼頭執事後拜叅知政事與王安石不合求知杭州請老加太子少保卒謚清獻子巖累官監察御史所言皆切時務出提點京東刑獄歷鴻臚太僕少卿抃平生日所爲事夜必衣冠露香拜手告天不可告者則不敢爲也嘗知越州

兩浙旱蝗米價涌貴諸州皆禁增價公榜衢路有米者任增價糴之于是商賈輻輳米價便減

民無饑

死者

趙

鼎

宋字元鎮聞喜人崇寧中進士隨高宗南渡累官殿中侍御史陳四十事遷御史中丞初

鼎薦張浚後並相協心以圖興復之功與秦檜論和議不合罷政謫嶺南在吉陽不食而卒自題銘旌云身騎箕尾歸天上氣作山河壯

本朝孝宗時贈太傅豐國公謚爲忠簡

趙

瞻

宋蓋屋人第進士調孟州司戶參軍歷知萬泉夏縣皆有善政英宗時以侍御史上疏出

判汾州神宗時判開封言青苗法不便出知同州累遷同知樞密院事卒謚懿簡所著有春秋論史記牴牾論等書

趙

棠

宋衡山人少從胡宏學慷慨有大志嘗見張浚於督府浚雅敬其才欲以右選官之棠不爲屈累以策言兵事浚奇之命子栻與棠交棠之子方遂從栻學焉

趙令衿

宋太祖五世孫靖康初論事被謫高宗召見令衿奏乞留張浚召趙鼎以言不合罷寓居三衢後襲封安定郡王子子覺號雪齋居士有文名令衿觀秦檜家廟記口稱君子之澤五世而斬檜聞怒

責治汀州

趙子麟

宋太祖六世孫父令郊任右千戶大將軍改朝奉郎知杭州有惠政累官通議大夫崇寧二年承霍榜子麟與弟子岷同及第授左朝散大夫建炎初知湖州直秘閣時金人南侵子麟

親率將士禦敵人皆感勵死守事甫定遽罷去
民攀戀涕泣紹興間與叔安定郡王令諤徙居
諸暨智度寺卒御史以湖郡民情達於上詔郡
人祀之與令人王合塋智度寺後山子伯履紹
興進士蘄州倅伯履子師贊
中散大夫泉州市舶提舉

趙

明

宋上猶縣尹抵任禱雨雨隨逐蝗蝗去驅厲
厲走民以爲異爲立棠陰碑以記其政績

趙

達

宋字莊叔秦州人紹興中對策當旨擢第一
獨忤秦檜意外補帝問達安在除校書郎達

單車赴闕關吏迎合檜搜達橐中僅書籍耳比
檜卒遷起居郎帝曰卿知之乎始終皆朕自擢
檜一語不及卿以此信卿
不附權貴真天子門生也

趙師旦

宋字潛叔知江州遇事明斷吏不得一錢遺物道上無敢取者後死儂智高之難其喪歸

至江山邑人攀號者數百里不絕先是師旦藏其妻于山谷生一子棄草中賊去後凡三日尚生人以爲

忠孝之報

趙彥彬

宋爲貴溪令廉以律已嚴以御史寬以恤民嘗書座右曰俸薄儉常足官卑清自高乃名

言

也

趙汝愚

宋字子直餘干人累遷樞密孝宗崩光宗疾篤中外洶洶汝愚奮不顧身頃刻定大計收

召賢士輔寧宗未幾爲韓侂冑所構謫永州卒追封沂國公謚忠定

趙葵

宋字南仲父方寧宗時為荆湖制置使葵每聞警報與諸將偕出遇敵輒深入諸將惟

恐失制置子盡死救之以此獲捷一日方行犒

賞軍士憤其薄葵時年十三亟呼曰此朝廷賜

也本司別有賞賚軍士遂定人服其機警後拜

相屢立奇功朝廷倚以為重者二十年謚忠靖

趙昂

宋為池州判元兵攻城將下語妻曰吾義當効死汝計將安出妻曰君為忠臣我獨不為

忠臣婦乎

俱自死

矯晉大夫矯父之後

矯

慎

漢字仲彥茂陵人少好黃老隱遯因穴為室仰慕松喬導引之術年七十餘忽歸家自言

死日及期果卒後人有見之者或云神仙焉

矯

應

南北北海高士

矯

高陽氏玄孫
矯牛之後

矯

真

漢逸士

矯

固

漢註禮
記檀弓

繞

繞

朝

周秦大夫晉士會奔秦晉人患秦用士會乃使魏壽偽攻秦以誘士會秦使士會繞朝諫

不聽會行朝贈之以策曰子
無謂秦無人吾謀適不用也

十八巧

鮑

部巧切上黨宮音夏禹
之後出東海泰山河南

鮑叔牙

周敬叔子也代爲齊卿
知管仲之賢薦以爲相

鮑靚

漢陳畱人爲南海太守嘗遇陰長生授秘訣
一日行部入海遇風饑甚取白石煮食之又

與葛洪善遂以女妻洪靚還丹陽卒塋石子岡
蘇峻之亂盜發其棺無尸唯大刀一柄盜欲取
之聞左右兵馬之聲刀亦
有聲如雷盜驚惧乃止

鮑宣

漢字子都舉上計道遇一書生卒得心痛疾
子都下車爲按摩奄忽遂卒不知姓字有馬
一匹素書一卷銀十餅子都買一餅以資殯殮
餘以枕之并素書埋之騶馬相隨至京師到一
關內侯家侯怪之曰君何以致此馬子都具以
告侯驚駭曰此吾兒也卽迎來開視銀書如其
言乃薦子都辟公府至司隸後坐摧辱宰相徙
之上黨遂家焉子永字君長事後母至孝妻
嘗于母前叱狗永卽出之官尚書僕射後封東
陽侯永嘗行部霸陵道經更始墓引車入拜左
右止之永曰親北面事人寧有過墓不拜雖獲
罪司隸不避也西至扶風椎牛上苟諫墓帝聞
之不平問公卿曰奉使如此可乎張湛曰仁者
行之宗義之主仁不遺舊義不忘君帝曰善

初趙王良從帝送來歙還入夏門城與中郎
將張邯爭道叱邯下車又詰責門侯使前走數
十步永時爲司隸校尉劾奏良無藩臣禮大不
敬良貴戚尊重而永劾之朝廷肅然永辟扶風
鮑恢爲都官從事恢亦抗直不避疆禦帝嘗曰
貴戚且歛手以避二鮑 永子煜字文泉爲比
陽長有繫獄當死者毋詣煜泣告無後煜憐之
令妻入獄遂有妊生子刺史荊州表其事于朝
煜爲司隸時奉法守正有父祖風後自郡守入
拜三公 子德有志節章帝朝爲南陽太守時
歲大荒惟南陽豐稔
吏民愛悅號爲神父

鮑

昭

南北字明遠工詩詩評云爲詩欲詞格清美
當看鮑昭謝靈運詩人中稱爲鮑謝仕宋爲

臨海王叅軍杜詩

云俊逸鮑將軍

鮑

陋

南北鎮白帝爲譙道福圍急城中乏水鑿石百道得泉道福謂陋渴欲降之陋覓生魚遺

道福乃

解圍去

鮑慎由

宋字歛正龍泉人舉進士累官工部員外郎以議論不合而去後知明海二州奉祀慎由

嘗從王安石蘇軾遊爲文汪洋闕肆

詩尤高妙嘗註杜詩有文集五十卷

十九皓

老

風俗通顓帝子老童之後

老古

周晉文公逐麋而失之問農夫老古曰吾麋安在老古以足指曰如是往文公曰寡人問

子以足指何也老古振衣而起曰一不意人君如此也虎豹之居也厭閒而近人故得魚鱉之居也厭深而之淺故得諸侯厭衆而亡其國詩云維鵲有巢維鳩居之君放不歸人將君之于是文公載老古以歸

造

見姓苑

造父

周顓帝之後周穆王時善御以功封趙城由此爲趙氏

二十哿

左

濟陽商音齊公族
有左右公子因氏

左伯桃

周燕人與羊角哀為友聞楚王善待士乃同
入楚值雨雪糧少伯桃乃併糧與哀令入事

楚自餓死于空樹下哀至楚為上
大夫乃言于楚王備禮以葬伯桃

左丘明

周因春秋作傳杜預云仲尼為素王丘
明為素臣宋元豐中詔從祀封瑕丘伯

左人郢

周字子行魯人孔門弟子心
悅聖道後世追封南華侯

左千

漢光武
軍師

左慈

三國字元放廬江人明五經通星烝於天柱
山得九丹金液經曹操聞而召之閉一室斷

穀食日與水二升期年出之顏色如故操欲學之慈曰學道當清淨無爲欲殺之爲設酒慈以簪畫杯酒中斷飲其左以其半與操以杯擲屋棟似鳥飛之狀一坐屬目失慈所在操會客慈亦預宴珍饈具備所欠吳江鱸慈取銅盆貯水釣之得魚操經陽城山見慈採藥令人逐之走入羊群操知不可得告之曰不復相害試君術耳一老羝屈膝曰詎如許卽赴之羣羊數百皆爲羝立云

詎如許

左

思

晉字太冲臨淄人博學兼善陰陽之術作齊都賦一年乃成復賦三都構思十年門庭藩溷皆着紙筆偶得一句卽便疏入自以所見不博求爲秘書郎及賦成張華見而歎曰班張之

流也使讀之者盡而有餘久而彌新於是豪貴之家競相傳寫洛陽爲之紙貴及張方縱暴舉家適冀州三都賦初成時人互有譏訾後示張公張曰此二京可三然君文未重於世宜以經高明之士思乃詢求於皇甫謐謐見之嗟嘆遂爲作序於是先相非貳者莫不歛衽讚述焉陸士衡入洛亦擬作三都賦聞太冲作之士衡撫掌大咲與弟士龍書曰此間有一儉父欲作三都賦須其成以覆酒甌耳及左賦出士衡絕嘆伏以爲不能加遂輟筆焉

左

振

唐肅宗朝爲黃州守時王璵以祠禱得相遣女巫乘傳分禱天下名山大川振斬之州人

歌曰吾鄉有鬼巫惑人人不知天子正尊信左公能殺之

左斷交

宋字榮叔涇縣人治禮易二經喜吟咏明條
煉之術任醫學教諭休退愛山水之勝以琴

鶴自娛忽一日告家屬云吾當某

日逝矣至期無疾衣冠正坐而沒

左慶延

宋永新人年十七登第秦檜欲妻以女慶延
辭之坐是久不調後終承奉郎太學博士有

澹菴

文集

我

見風俗通

我子

周著書六國時人

二十一馬

賈

武威商音唐叔虞少子公明康王封于賈以國爲氏又云本自周賈伯之後又望出洛陽長樂

賈

山

漢潁川人涉獵書記孝文時上書言治亂之道借秦爲喻名曰至言其後帝下鑄錢令山

復上書諫

遂禁鑄錢

賈

誼

漢洛陽人文帝時河南守吳公薦之召爲博士時年二十餘歲中超遷至大中大夫誼請

改正朔興禮樂絳灌等毀之洛陽年少專欲擅權出爲長沙王大傅帝後思誼召見宜室內問

鬼神事至夜半帝不覺前席拜梁王大傅上治安策論者以爲通達國體孫嘉好學世其家

昭帝時爲九卿誼曾孫捐之字君房元帝卽位上疏言得失召待詔金馬門長安令楊興曰

君房言語妙天下使爲尚書過五鹿充宗甚遠後以忤石顯遇害

賈

復

漢字君文南陽人光武中興帝解左驂以賜之曰賈督有折衝千里之威拜執金吾封膠東侯圖形雲臺方戰傷甚帝曰失吾名將聞其妻有孕生女耶我男娶之生男耶我女妻之令其不有妻子之憂也

賈

逵

漢字景伯平陵人誨之後明帝時有神雀集宮殿上異之敕蘭臺給筆札使逵作神雀頌拜爲郎與班固同校秘書逵母病上賜錢二十萬曰此子無事於外屢空則從孤竹君遊矣所著有史記及經傳義并論難百餘萬言

賈

彪

漢字偉節定陵人兄弟三人並有高名時語曰賈氏三虎偉節最著桓帝時爲新息長時小民多不養子彪嚴爲之制數年人養子者以千數皆曰此賈父所生名曰賈子 黨禁起彪

賈

琮

漢字孟堅中平初三府舉之爲交趾刺史巷路歌曰賈父來晚使我先反今見清平吏不

敢飯政爲十三州最遷冀州刺史舊典傳車垂赤帷裳琮曰刺史當遠視廣聽糾察美惡何乃反垂帷裳以自掩塞乎乃命主者褰之百姓聞風震竦貪吏解印綬去

賈

詡

三國字又和武威孤藏人少時人莫之知唯漢陽閭忠異之謂有良平之奇太祖領冀州

牧以爲大中大夫是時魏文爲五官將臨淄侯
植才名甚盛幾有奪嫡之議公一日問于詡詡
默然不對曹問不對何也詡曰屬有所思問何
思荅曰思袁本初劉景升父子也太子遂定

賈慧遠

晉鴈門人杖錫廬山東林寺與劉遺民雷次
宗竺道生宗炳等十八人結白蓮社惟淵明

至則許飲酒謝靈運
求入社以心雜不許

賈思伯

南北字士休齊郡益都人與其弟思同師事
北海陰鳳業竟無資酬鳳質其衣物時人爲
之語曰陰生讀書不免癡不識雙鳳脫人衣思
伯爲孝文所知累遷中書侍郎性至謙和每途
遇士大夫輒停車下馬接誘恂恂客曰公今貴
重寧能不驕思伯曰衰至便驕何常之有當時

以爲

雅言

賈希鏡

南北家傳譜學嘗撰氏族要狀及人名書宋武時青州人發古塚銘云青州世子東海女郎帝問學士鮑照徐爰蘇寶生並不能悉希鏡對曰此是司馬越女嫁荀晞兒檢閱果然

賈至

唐字幼憐從玄宗幸蜀知制誥帝傳位至當撰冊旣進藁帝曰昔先天誥乃父爲之今茲命冊又爾爲之兩朝盛典出卿家父子可謂繼美矣工詩早朝大明宮一律尤當時所稱賞

賈直言

唐河朔人代宗時代父飲鴆立死後蘇與父俱流南海行時與妻董氏訣曰生死不可期吾去汝亟嫁董不答引繩束髮封以帛曰非君手不解直言居南海二十年乃還置帛依然

賈

島

唐字浪仙范陽人初爲浮屠號無本居法乾寺苦吟嘗跨驢不避公卿貴人吟詩云僧敲

月下門又欲下推字於驢上以手作敲推勢不覺衝至京尹韓愈第三節左右擁至馬前詰之島以實對愈曰敲字佳與共論詩爲布衣交令其改業後舉進士宣宗嘗徵行至法乾寺聞鍾樓上有吟聲取其詩卷覽之島奪取其卷曰郎君何會此耶宣宗去賜御札除遂州長江簿時稱爲賈長江程錡詩云騎驢衝大尹奪卷忤宣宗後寓于溟乞詩者無虛日每歲除夕檢一年所作詩以酒脯祭口勞吾精神以是補之耳

賈

郁

五代閩王審知時補仙遊簿秩滿爲令正身奉法邑人饋薪菓郁曰古人畏四知今所知

者倍于昔可不畏乎竟不受及代去一吏醉郁
怒曰吾再任必懲之吏楊言公再若來猶鐵船
渡海後果再任時醉吏盜庫錢獄具批曰竊銅
鎚以潤家非因鼓鑄造鐵船而過海不假鑪錘
賈緯五代長于史學唐自武宗已後無實錄緯采
次傳聞爲唐年補錄六十五卷唐末諸侯强
盛征伐擅出天下多事故緯所論次多所
闕誤而喪亂事迹粗存亦有補于史氏

賈

緯

次傳聞爲唐年補錄六十五卷唐末諸侯强

賈

收

宋字耘老烏程人有詩名喜飲酒其屋有水
閣曰浮暉李公擇蘇子瞻與之游倡酌極多
子瞻遊道場回值風雨泊舟登浮暉閣命官奴
秉燭掃風雨竹于壁間後刻石于墨妙亭收素
貧東坡每念之嘗寫古木怪石書其後以贈云
今日舟中霜寒十指如懸槌適有人致嘉酒遂

獨飲一杯醺然徑醉念賈處士貧甚無以慰其
意爲作古木怪石一紙每遇饑時輒一開看不
知能飽人否若吳興有好事能爲君月致米三
石酒三斗終君之世者便以贈之不爾可令雙
荷葉收掌須添丁長以付之也雙荷葉耘老侍
姬添丁耘老之子後蘇去耘老作亭以懷蘇名
之有詩一編

號懷蘇集

馬

扶風羽音羸姓伯益之後趙王
子趙奢封馬服君子孫氏焉

馬師皇

上古黃帝時馬醫也知馬形氣生死之診理
之輒愈後有龍下向之垂耳張口皇曰此龍
有病知我能理乃針其唇下口中
以甘草湯飲之一旦龍負而去

馬宮

漢字游卿受公羊春秋於令豐以射策甲第
爲郎哀帝朝爲大師封扶德侯以儒宗居

宰相

位

馬武

漢字張子湖陽人從光武破王尋擊群賊力
戰無前爲騎都尉建武初拜捕虜將軍數從

征有功定封楊虛侯後擊破西羌復

增邑焉二十八將中人圖形雲臺

馬

臻

漢永和中爲會稽守創中鏡湖在會稽山陰
縣兩界築塘蓄水水高丈餘田又高海丈餘

若水少則洩湖灌田水多則閉湖洩田中水入
海塘成郡無凶年其陂塘周迴三百一十里溉

田九十

餘頃

馬

援漢字文淵茂陵人少有大志乃辭其兄况欲就邊郡田牧况曰汝大才當晚成援嘗謂賓客曰文夫立志窮當益堅老當益壯建武中拜爲伏波將軍擊交趾嘗受譴以之謗軍還故人孟冀迎勞之援曰男兒要當死於邊野以馬革裹尸還葬耳何能臥床上在兄女子手中耶冀曰諒爲烈士當如此矣武陵五溪蠻反援年八十餘自請行據鞍顧盼以示可用帝笑曰矍鑠哉是翁也進營壺頭失利病卒封新息侯三兄况余員俱仕爲二千石從弟少游嘗謂援曰士生一世但取衣食裁足乘下澤車御欵段馬鄉里稱善人斯可矣四子廖防光客卿女爲明帝后德冠後宮崩謚明德廖封順陽侯弟防穎陽侯次弟光許陽侯幼弟客卿幼而岐嶷援

竒之以爲將相器兄弟貴盛資產巨億大起第
觀多聚聲樂杜篤之徒數百人常爲食客有司
奏其奢侈踰制悉免就國 援兄子嚴字威卿

次子敦字孺卿居鉅下交結英賢並知名當
世三輔稱其行誼號鉅下二卿援嘗爲書戒之
有刻鵠畫虎之喻 嚴七子固伉歆鱣融畱續

馬

瑤 漢扶風茂陵人隱于汧山以兔置爲
事所居俗化百姓美之號馬物先生

馬

融 漢字季長茂陵人美辭貌有俊才受學摯恂
博通經籍永初間拜校書郎以忤鄧氏滯東

觀十年不得調後爲河間王廐長史召拜郎中
桓帝時爲南郡太守融才高博洽爲世通儒教
養諸生常有千數校正史記訛謬所著述甚富
坐高堂施絳帳前授生徒後列女樂以次相傳

鮮有入其室者盧綰鄭玄其徒也 少女名倫
少有才辨家世豐豪適汝南袁隗資裝甚厚既
成禮隗問之曰婦奉箕箒而已何乃珍麗對曰
慈親愛重不敢違命君若慕鮑宣梁鴻之高妾
亦效少君孟光之事隗又曰弟先兄舉世以爲
笑今處姊未適先行可乎答曰妾姊高行未獲
良匹不似鄙薄苟
然而已隗不能屈

馬

續

漢度遼將軍典邊日久深曉
兵要降右賢王部萬三千口

馬

稜

漢字伯威漢章和初爲廣陵太守有治
行蝗飛入海化爲魚蝦吏民刻石頌之

馬

超

三國字孟起茂陵人輔漢昭烈以功
討定西將軍遷左將軍卒謚曰威

馬

良

三國字李常宜城人兄弟五人並有才名良眉中有白毛鄉里諺曰馬氏五常白眉最良昭烈領荊州辟爲從事卽位以爲侍中及東征吳遣入武陵招納五溪蠻夷渠帥皆受印號會昭烈敗績良遇害乃

拜

子秉爲騎都尉

馬

周

唐字賓王荏平人少時袁天綱見之曰伏犀貫腦背若有負貴相也入關舍新豐逆旅命

酒一斗八升悠然獨酌衆異之舍中郎將常何家爲條三十餘事帝問何武人安能此曰家客馬周爲之召與語大悅拜監察御史貞觀十八年拜中書侍郎岑文本稱曰馬君論事舉要刪煩會文切理一字不可增減聽之靡靡令人忘倦後遷中書令帝嘗以飛白書賜之曰鸞鳳冲

霄必假羽翼照眩之寄要在忠力年四十八卒
子載爲吏部選與裴行儉分掌選事時人稱
載有知人之鑑周微時因袁天綱言京師有
賣餅媼者此婦大貴周遂娶之媼乃引至常何
家後周爲相
媼亦爲夫人

馬

璘唐武幹絕倫以忠力奮李光弼曰吾用兵三
十年未見以少擊衆如馬將軍者也至德中
爲四鎮

節度使

馬

燧唐字洵美姿度魁傑與諸兄學輟策嘆曰方
天下有事當以功齊天下豈老一儒哉大
厯建中間屢立大功進封北平郡王賜宸扈台
衛三銘以言君臣相成之美圖形凌烟謚莊武

子暢位至少傅 孫繼祖殿中少監韓愈誌
繼祖墓云北平王猶高山深林鉅谷龍虎變化
不測魁傑人也退見少傅翠竹碧梧鸞停
鵲峙幼子娟好靜秀瑤環瑜珥蘭茁其芽

馬

總

唐字會元元和中遷南安都護建二銅柱於
漢故處諮著唐德以表伏波之裔韓愈詩云

紅旗照海壓南荒
徵入中臺作侍郎

馬自然

唐有異行飲酒至一石不醉人有疾以雜草
木揉與之食無不瘥者自吟云昔日曾隨魏

伯陽經時醉臥紫金床東君道我多情懶罰向
人間作酒狂何用燒丹學駐顏開非城市靜非
山時人若覓長生藥對景無心是大還廣
明中于梓州上昇初爲劉海蟾弟子

馬異

唐詩人詩體與盧仝俱尚險怪盧仝與馬異
結交詩有云仝不仝異不異是謂大仝而小

異

馬希範

唐湖南人同光中入貢莊宗問洞庭廣狹對
曰洞庭至狹若車駕南巡止可飲馬莊宗拊

背嘉

之

馬重績

五代字洞微少學數術明太乙
五紀八象三統大歷居于大原

馬

韶

宋字趙之平棘人習天文開寶中太宗以晉
王尹京申嚴私習天文之禁韶素與太宗親
吏程德玄善德玄每戒韶不令及門九年冬十
月十九日既夕韶忽造德玄德玄恐甚詰其所

以來韶曰明日乃晉王利見之辰韶故以相告德玄惶駭處韶一室遽入白太宗命德玄防守之將聞于太祖及詰旦太宗入謁果受遺踐祚韶以赦獲免踰月起家爲司天監主簿太平興國二年擢太僕寺丞改秘書省著作佐郎歷太子中允秘書丞出爲平恩令歸朝復守舊任與楚芝蘭同判司天監事就遷太常博士

馬知節

宋字子元全義子以蔭補官真宗時爲樞密副使遇事敢言時王欽若爲使知節薄其爲人每廷議得其不直輒面詆之聞其風者皆知爲正直云

馬公亮

宋少時夜閱書忽有六手如扇自牕入亮以雄黃水大書堂字牕外大呼曰速與我滌去

不然禍及汝亮不聽而臥將曉告泣手不能縮
且曰公將大貴我戲犯公何忍致極地公獨不

見燃犀之事乎亮乃

悟以水滌遜謝而去

馬

涓

宋南部人其父從政初未有子買一妾詢知
其父母死不克葬故自鬻遂歸妾不責所負

後夢一翁謝曰我妾父也聞之上蒼矣願君家
富貴涓涓不絕及生涓因以夢中語爲名元祐
中登進士第一上

疏忤蔡京坐貶

馬

鈺

宋寧海人孫仙姑其妻也初名從義字宜甫
後改名鈺號丹陽子母初孕時夢麻姑賜丹
一粒吞之覺而生鈺李無夢見而奇之曰額有
三山手垂過膝真大仙之材孫君以女妻之生

三子後遇王重陽祖師點化之遂以貲產付三子徙居崑崙之烟霞洞脩煉二十餘年夫妻仙去孫仙姑名不二號爲清淨散人

馬

遠

宋其先河中人後居錢塘工山水人物花鳥種種臻妙獨步畫院光寧兩朝授侍詔子麟能世家學然不逮父遠愛其子多於已畫上題作麟畫盖欲麟得譽故爲畫院祗候

馬和之

宋錢塘人紹興中登第官至工部侍郎善人物山水筆法飄逸纖悉紛藻自成一家高孝

兩朝最重其畫嘗書毛詩三百篇命和之篇畫一圖會成巨帙至今杭人嘗有存其散逸者

馬晞驥

宋持國之子淳熙進士判肇慶府有潛以奇視獻者晞驥謝之曰吾職佐郡只飲水何敢

以長物汚吾家聲其
人慚而退歷知雷州

馬光祖

宋字華父金華人寶慶二年進士理宗時知
臨安府歲饑榮王府積粟不發廩光祖謁王
屢次王不得已而見焉乃厲聲曰天下孰不知
大王子爲儲君大王不以屯時奴人心乎王以
無粟辭光祖探懷中文書曰某庄某
倉若干王無以辭得粟活民甚多

馬端臨

宋字貴子樂平人年十九潛心學問博極群
書以廕補承事郎宋亡隱居教授鄉里遠近
師之與人言論臺臺不倦所著有大
學集傳多識錄文獻通考等書行世

馬

堅

宋岷州人元兵攻城三月城破堅率死士巷
戰被執斷其首猶握拳奮起立踰時始仆賊

驚異

之

夏

會稽羽音夏后氏之裔陳宣公子孫夏徵舒之後

夏育

上古勇力人能生拔牛尾

夏黃公

周鄆人避秦匿商山中蓋四皓之一也

夏無且

秦侍醫秦皇當其環柱避荆軻之時無且以所奉藥囊提之論功賜黃金百鎰

夏寬

漢受詩於申公武帝時為陽城內史以廉節稱

夏恭

漢字敬公梁國蒙人以易學教授生徒至千餘人光武召拜郎中遷泰山都尉和輯百姓

得其懽心所著賦頌詩贊誄凡四十篇謚宣明君
子牙習家業舉孝廉早卒號文德先生

夏

馥

漢字子治陳留圉人隱身脩行不趨權勢靈帝時中常侍曹節等專朝禁錮善士謂之黨人馥雖不交時官然聲名爲節等所憚遂與范滂張儉數百人並入黨中詔下郡縣捕之馥頓足嘆曰孽自己作空污良善一人逃死禍及萬家何以生爲乃剪鬚變服易形入林慮山中爲治家傭形貌毀悴二年無知者後詔委放儉等皆出馥獨嘆曰已爲人所棄不宜復齒鄉里矣留賃作不歸家人不知其處有人識其聲以告同郡太守濮陽潛使人以車迎馥馥自匿不就潛車三返乃得馥

夏方

三國永興人家遭癘疫者十三人方年十四躬自負土十有七載塋送得畢因廬于墓吳

時拜仁義都尉累

遷五官中郎將

夏

統

晉字仲御永興人幼孤貧養親以孝聞雅善論辨宗族勸之仕統曰諸君待我至此乎聞

君之言不覺寒毛盡帶白汗言者大慚由是不與宗族相見母病篤詣洛市藥與賈充語其應如響因問會稽風俗統曰其人循循猶有大禹之遺風泰伯之義讓嚴遵之抗志黃公之高節勸之仕俛而不答充曰卿能作鄉上地間曲乎曰昔曹娥投水國人哀之爲作河女之章伍子胥以忠投海國人爲作小海唱今欲歌之於是

以足扣舷引聲清激大風應至雲雨響集充令

妓女盛服繞船三匝統危坐如故若無所聞充曰此吳兒不賜石心也

夏孝先

晉桐廬人父亡負土成墳廬其側時有野火燎山將近塋域孝先繞墓號慟鳥獸群集以

毛羽濡水灑

俄頃撲滅

夏

鴻

宋池州人嘗與弟鵬撰十三代史略後以辟爲團練推官鵬隱居布衣疏食鄉人罕見其

面有造門問學者爲之講

解不倦江南士多宗之

夏

竦

宋字子喬幼學於姚鉉使爲水賦限以萬字竦作三千字以示鉉鉉怒不視曰汝何不於

水之前後左右廣言之竦益之得六千字仁

宗朝舉制科有老宦者曰賢良他日必大用以

吳綾手巾乞詩公題曰殿上衮衣明日月硯中
旗影動龍蛇縱橫禮樂三千字獨對丹墀日未
斜楊徽之見而嘆曰真宰相器也 初除館職
時早秋上在拱宸殿按撫命中使索新詞公立
進喜遷鶯云霞散綺月沉鉤簾捲未央樓夜涼
河漢截天流宮闕鎖新秋瑤階曙金莖露鳳髓
香和雲霧三千珠玉擁宸游水殿按梁州 知
南京二詩寄執政云造化平分荷太鈞腰間新
佩玉麒麟南湖不住栽桃李凝狎沙禽過十春
海鴈橋邊春水深略無塵土到花陰忘機不
取人知否自有江鷗信此心徙西都以青雀寄
諫院張昇云弱羽傷弓尚未完孤飛誰敢擬鴛
鴦明珠自有千金價莫與遊人作彈丸 命奉
使契丹謝表云父歿王事身丁母憂義不共天

難下窮廬之拜禮當枕塊忍聞夷樂之聲時謂精絕皇祐中拜樞密副使封鄭國公嘗知襄州值歲饑募富人出粟全活

數萬人子安期爲陝西漕

夏

俅

宋字載道休寧人夙有至性早孤奉母曹氏孝養備至既卒廬墓墓生瑞竹其節自十以

下駢而爲一以上岐而爲二又生芍藥並蒂者

二鄉人號其堂曰雙應侍制凌唐佐爲記其事

夏執中

宋字子權宜春人姊爲孝宗后累官節度初執中與其微時妻至京后諷使出之擇配貴

族執中誦宋弘語以對朝廷舉慶禮戚畹爭獻

珍奇執中獨大書一人有慶萬壽無疆以進孝

宗將大用之謝曰他日無累

陛下保全足矣人益賢之

夏珪

宋字禹玉錢塘人寧宗朝侍詔賜金帶善畫人物醞釀墨色如傅粉之色筆法蒼老墨汁

淋漓雪景學范寬院人中畫山水自李

唐以下無出其右者 子森亦工山水

假

假倉

漢陳留人成帝時習經學由是小夏侯有張鄭秦假李氏之學

冶

冶區

周魯人魯昭公十三年春叔弓圍費弗克敗焉平子怒令見費人執之以爲囚俘冶區曰

非也若見費人寒者衣之饑者食之爲之令主而共其乏困費來如歸南氏亡矣民將叛之誰

與居邑若憚以威懼之以怒民疾而叛爲之聚也若諸侯皆然費人無歸不親南氏將焉入矣

平子從之費人叛南氏

二十二養

蔣

樂安商音周公第三子伯齡封蔣以國爲氏國在汝南期思縣傳言凡蔣邢茅周公之胤是也

蔣

滿

漢宣帝朝爲上黨令其子萬爲北地都尉同詔徵見帝曰父子宜同曰剖符卽下詔以滿

爲淮南相萬

爲弘農守

蔣

翊

漢字元卿杜陵人嘗于舍前竹下開三徑惟故人求仲羊仲從之游哀帝時爲兗州刺史

以廉直著名王莽居攝以病免官歸鄉里臥不出戶

蔣子文

漢末爲稜陵尉逐盜中山傷額而死嘗自謂骨貴死當爲神及吳大帝都建業子文常乘

白馬執白羽扇而出遂立廟鍾山封蔣侯嘗助

楊大眼走魏軍凱旋人馬跡皆有泥濕南唐追

封莊武帝宋景祐中賜額惠烈廟曾極詩云

白馬千年繫廟門爐烟浮動袞龍昏間關謾說

榮枯定貴骨

猶能履至尊

蔣

濟

三國字子通仕魏爲中郎將兼資文武志節慷慨常有超越江湖吞吳會之志封關內侯

蔣

琬

三國字公琰湘鄉人從昭烈入蜀除廣都長昭烈嘗至廣都怒琬衆事不理諸葛亮曰蔣

琬社稷之器非百里之才後爲尚書郎亮駐漢中琬統留府事嘗足食以給軍中亮每言公琬託志忠雅亮卒以琬爲尚書令時新喪元帥遠近危悚琬舉止如平日由是衆漸服後封安陽亭侯卒

謚曰恭

蔣

欽

三國吳人從孫策東渡平定三郡遷盪寇將軍徐盛有嫌於欽欽每稱其善曰今天下未

寧豈可挾私怨以蔽賢乎

盛後報德論者兩美之

蔣

沅

唐舉孝廉與兄演溶弟清俱爲才吏乾元中歷咸陽高陵陸渾盩屋四縣令美政流行郭

子儀軍出其縣敕麾下曰蔣沅賢令母撓其清也官至御史中丞遷大理卿父欽緒爲太常

博士

蔣

義

唐字德源義興人七歲見庾信哀江南賦再讀輒不忘從外祖吳兢學博覽強記有史才

楊綰尤稱之父將明在集賢白宰相張說引義入院整比圖籍得善詩二萬卷德宗以凌烟閣左壁文漫剝召問義曰此聖歷中侍臣圖贊口誦不失一字帝嘆異又問神策置軍本末條對甚詳判集賢院父子並爲學士儒者榮之後封義興縣公五子係伸偕尤知名伸字大直宣宗雅愛之每見必咨天下得失三起三留曰他日不得獨對卿矣遂拜相偕歷吏館三世踵脩國史世稱良筆咸云蔣氏日歷焉

唐美風標每到朝士家以

爲祥瑞朝中號爲玉童

蔣敏脩

宋字臻甫營道人十五遍讀諸經子史其父

璨命作無絃琴賦立成人異之既長以文名

元豐登進士爲桂州理

蔣汝通

宋字亨伯江陰人早入太學晚得一官高尚

不仕以琴詩圖史自娛好古博雅尤邃于性

命之學嘗著質疑以裒支干五行配合之誤

蔣

漳

宋宜州人黃山谷坐當事謫宜州士夫畏禍

不敢近獨漳日陪杖屨比庭堅疾革漳往視

庭堅大喜曰海外骨肉惟君請以身後

事托之漳唯唯後爲棺殮具舟送之歸

蔣元夫

宋清湘人元夫嗜學善屬文兩請鄉薦貴賤不欺游張南軒陸象山之門作本宗譜系序

載秀而下迄今凡一千四十餘年世數歷歷可考宗族散居他鄉其家風大振重源而務本慷

慨而

好義

蔣峴

宋字伯見奉化人慶元中進士官至殿中侍御史嘗自誓曰勿欺心勿負主勿求田勿問

舍號四

勿先生

蔣重珍

宋嘉定中狀元

仰

汝南宮音今新安吳興並有此姓又望出錢塘

仰仁謙

宋吳興人太平興國間以太子舍人知天嘉
庶靜有能撫民如子時錢氏方歸疆土仁謙

始為邑令政事

一新人為改觀

養

上聲山
陽羽音

養由基

周楚大夫善射去柳葉百步射之百發百中
晉常戰于鄢陵基射之撒七札焉再發盡殪

晉師乃上楚有猿王使射

之始謂弓猿擁木而號

掌

魯大夫掌氏
之後出燉煌

掌禹錫

宋字唐卿鄆城人舉進士為道州司理試身
言書判第一改大理丞以尚書工部侍郎致

仕禹錫博學多記嘗預脩皇祐方域國誌地理新書及校正類篇神農本草又著郡國手鑒周

易集

解

壤

壤

父

上古堯時賢人失其姓名時天下太和百姓無事壤父年八十餘擊壤于道中觀者曰大

哉帝之德也壤父曰吾日出而作日入而息鑿井而飲耕田而食帝力何有于我哉

壤駟赤

周秦人孔門弟子長于詩書唐封北徵伯宋加封上邽侯

二十三梗

景

晉陽角音芊姓楚公族之後又望出馮翊漢初徙豪傑于關中今陝西多此姓

景

差

周楚人作續騷大招一篇朱文公云語平淡醇古

景

丹

漢字孫卿櫟陽人王莽時舉四科丹中言語科後歸光武從突騎破王郎以功拜驃騎大將軍封櫟陽侯帝謂曰富貴不歸故鄉如衣繡夜行故以封卿耳 圖形雲臺

景

鸞

漢字漢伯東漢時作詩解易說著述五千餘萬言

景

毅

漢字文堅蜀郡人李膺坐黨禁死門生故吏皆株及毅子碩不與毅慨然曰膺故賢者遣汝師之豈可倖脫遂自表免歸

揚

宴

尚友錄

景自芳

宋雅州人破賊有功嘗于二月十二日作寒食至今里人號景春寒食

景煥

宋有野人寒語一書乾德三年立郡國戒石碑四句云爾俸爾祿民膏民脂下民易虐上

天難欺卽其

書中語也

景林洙

宋通州人咸平間王均叛州有賊應之林洙將鄉兵拒戰于州北爲賊所戕首隕而身不

什跨馬奔歸州城東北隅人訝而呼之曰公無首矣於是墜地邦人卽其地立祠祀之

耿

高陽宮音殷時侯國尚書祖乙遷于耿晉大夫趙肅滅之因氏焉又望出扶風河東

耿壽昌

漢宣帝時爲大司農中丞奏設常平倉增價而糴減價而糶以利農百姓便之賜爵關

內侯

耿

純

漢字伯山初謁光武於邯鄲屢立大功建武元年諸將議上尊號純進曰士大夫從大王

於矢石之間固望攀龍

麟附鳳翼以成其志耳

耿

弇

漢字伯昭光武指之曰此我北道主人也後平齊帝曰將軍前在南陽建此大策常以為

難合乃知有志者事竟成也封好畤侯父

况病弇弟兄六人衣青紫侍醫藥時人榮之

耿

秉

漢字伯初腰帶八圍能說司馬兵法尤好將帥之略永元初與竇憲征北單于登燕然山

刻石勒功封美陽侯弟夔永元中大將軍竇

憲之裨將也與任尚圍北單于於金微山出塞

尚友錄

五千餘里以功封粟邑侯追贈爲

王父國爲大司馬伯父弇

耿

恭

漢字伯宗慷慨多大略有將帥才永平中爲戊巳校尉攻匈奴引兵據疏勒城匈奴擁絕

澗水恭於城中穿井十五丈不得水乃整衣向井再拜有頃水泉奔出揚水以示虜虜以爲神明遂去後又益兵圍之恭食盡窮困煮弩鎧食其筋革與士卒同死生皆無二心救至得還形容枯槁鄭衆上疏曰耿恭以單兵守孤城鑿山爲井煮弩爲糧卒全忠勇其節義古未有也拜騎都尉東漢以來耿氏子孫踵歷顯仕者數十百氏

耿

詢

隋字敦信滑稽辨給伎巧絕人文帝時得罪當誅自言有巧思于是特原其罪詢作馬上

刻漏世稱其妙及宇文化及弑逆之後謂其妻曰近觀人事遠察天文宇文必敗李氏當王謀欲去之爲化及所殺

耿

玄

隋善十占有客扣門玄在室已知其姓字并所齎持及來問之意其所十筮十中八九王

公聞之莫不驚悚而退故玄多見憎官止鉅鹿守

耿

漳

唐與錢起等能詩齊名號大歷十才子

耿

秉

宋字直之江陰人仕至兵部郎中兼給事中終煥章閣侍制律已清儉兩爲浙漕所至以利民爲事著春秋傳二十卷五代會史二十卷

井

扶風徵音虞大夫井伯姜子牙
之後以字爲氏又望出南陽

井

丹

漢字大春建武間人通五經善談論京師語
曰五經紛綸井大春 丹未嘗書刺謁一人
北宮五王更請莫能致新陽侯陰就使人要之
不得已而行侯設麥飯葱菜以觀其意丹推卻
曰以君侯能供美膳故來相過何謂如此乃出
盛饌侯起左右進輦丹笑曰聞桀紂駕人車此
所謂人車者耶侯卽去輦 越騎梁松貴震朝
廷請交丹丹不肯見後丹得時疾松自將醫視
之病愈久之松失大男磊丹一往弔之時賓客
滿庭丹裘褐不完入門坐者皆悚望其顏色丹
四向長揖前與松語客主禮畢復長揖
徑坐莫得與語不肯爲吏後遂引遁

幸 宮音

鴈門

幸

靈

晉建昌人性寡言父母嘗使守稻群牛食之

不驅牛去乃埋其殘亂者曰萬物各欲得其

性耳後爲人療疾去妖怪輒有驗賴濟者甚多

不取報謝爲人性恭儉見人卽先拜言輒舉名

行不騎乘長不娶晚

年始娶妻畜牛馬云

丙

商音平陽齊大

丙

氏

周魯人以鐵冶起富至鉅萬頗有拾仰

丙

吉

漢字少卿魯國人爲廷尉監宣帝生數月坐

衛太子事繫獄吉擇謹厚女徒保養之望氣

者言長安獄中有天子氣詔繫者盡殺之中使
夜至吉閉門不納曰皇曾孫在中使劾吉上悟
曰天使之也及帝卽位吉不伐功後知之封博
陽侯拜相吉尚寬大且知大體于官屬務掩過
揚善世稱其賢有一馭吏嘗醉嘔其車功曹請
治其罪吉曰以酒失去士使人復何容此不過
污我車茵爾吉知陳留有富翁年九十無男
娶隣女一宿而死後產一男至長其女曰吾父
娶一宿身亡此子非吾父之子爭財數年不決
吉云吾聞老翁兒無影不耐寒其時秋暮取同
歲兒共解衣試之老翁兒獨呼寒日中果無影
遂直其事嘗出不問死傷而問牛喘謂三公
典調陰陽恐時氣失節有所傷也時以爲知大
體贊云孝宣中興丙魏有聲子顯因有罪削

爵 孫昌

復博陽侯

郗

與丙同望出魯國晉大夫食菜於郗因氏焉

郗

原

漢字根矩朱虛人少孤數歲時過書舍而泣師問曰童子何泣也原曰凡得學者有親也

一則願其不孤二則羨其得學中心感傷故泣耳師惻然曰苟欲學不須資也于是就業既長金玉其行州府辟命皆不就後避亂居遼東一年公孫度厚禮之往歸原居者數百家游學之士教授之聲不絕中國既寧欲還鄉里爲度禁絕原因夜去之吏欲追還度曰郗君所謂雲中白鶴非燕雀之網所能羅也後曹操辟爲司徒掾歷遷五官中郎將長史閉門自守非公事不

出與管寧華歆相善時稱三人爲一龍寧龍頭
原龍腹歆龍尾詣長安從孫嵩學嵩曰君鄉里
自有鄭君君乃舍之何也原曰人各有志有登
山而採玉者有入海而採珠者豈可以登山不
如海之深入海不如山之高哉原曾孫郁字
弘文少有原風勅身謹潔舉動有禮與高密劉
鰻等並有高名成名博求異行
之士以博士徵郁郁辭疾不赴

穎

陳留鄭穎考叔爲
穎谷封人因氏焉

穎考叔

周春秋時穎谷封人聞鄭莊公誓不見母有
獻于公公賜之羹食而舍肉公問之對曰小

人有母請以遺之公感
其言遂爲母子如初

穎容

漢字子嚴長平人博學多通善春秋累徵不起著春秋條例五萬餘言舉孝廉公車徵之

不就

冷

徵音京兆古伶倫氏之後音訛爲冷又望出新蔡臨安

冷壽光

漢行容成公御婦人法取精于玄牡其要穀神不死守生養氣者也謂握固不泄還精補

腦可以

長生

冷世光

南北字賓王常熟人紹興十八年進士調歸安簿知歷陽縣改知寧國龍游朱文公爲常

平使者常委用之兩省交薦除監察御史遷殿中侍御史彈劾無所避人謂之冷面御史尋知

嚴州引年致仕作閒適堂晚歲優游里社泊如也年八十終朝奉大夫自其父通奉賑施鄉里世光兄弟率行不替鄉人高之有奏議彈章二卷東堂類藁二十卷刀筆五卷

永
見姓苑

永石公
漢列仙傳

二十五拯

洗
其極切音省又音線

洗勁
晉南海人家本武帥至勁讀書尚節操爲廣州中兵叅軍海寇盧循攻城被執循欲釋之

勁叱曰賊奴乃欲凌國士耶
遂遇害贈始興太守謚忠義

二十六有

柳

河東南音魯大夫展禽食邑於柳下以邑爲氏
秦併天下柳氏遷河東秦末有柳安柳下惠裔

莊

周莊卒衛獻公方祭請于尸曰有臣柳莊者
社稷之臣也請往不釋祭服而往遂以禴之

興之邑

裴氏

柳世隆

南北字彥緒解人晚年以談議自高喜彈琴
古稱柳公雙瑣爲士品第一仕劉宋爲武威

將軍

諸子中最知名者長悅次惔三惔四澄

五忱

惔字文通與兄悅齊名王俟曰柳氏二

龍可謂一日千里 暉字文暢早有令名少工
篇什善尺牘長於詩官太子洗馬王融讀暉擣
衣篇至亭臯木葉下隴首秋雲飛因書白團扇
嘗與謝淪隣居相友愛淪曰宅南柳郎可爲儀
表嘗和梁武帝登景陽樓詩云太液微波起長
楊高樹秋翠葉承漢遠雕輦逐風游深爲嘆美
兄弟十五人迭爲

侍中復居方伯

柳元伯

南北南齊人子五人皆
領州五馬參差於庭

柳慶遠

南北字文和爲雍州刺史梁武
帝曰卿衣錦還鄉朕無西顧矣

柳遐

南北幼豪邁謝舉嘉之曰江
漢英靈見於此矣梁人仕周

柳

彧

南北字幼文仕隋爲侍御史持節使河北巡省五十二州奏免賦汙者二萬餘人州縣肅

然上

嘉之

柳

檜

南北慶兄爲魏興太守爲賊黃衆寶所害檜子三人皆幼弱慶撫養甚篤後衆寶歸朝朝

廷待以優禮居數年檜次子雄亮白日手刃衆寶於長安城中晉公護聞而大怒執慶諸子侄皆囚之讓慶擅殺人對曰慶聞父母之仇不共天兄弟之仇不共國明公以孝臨天下何乃責於此乎護亦怒慶辭色無屈竟以俱免卒贈鄜綏丹三州刺史謚曰景

毅

唐中宗時人下第歸至涇陽見一婦牧羊前曰妾洞庭君小女嫁涇川次子得罪舅姑黜

至此敢寄天書於洞庭之陰門有大橘樹擊樹者三當有應者毅如言忽見千門萬戶有殿曰虛靈一人取書進君曰老夫之罪使孺弱羅害俄有赤龍萬丈擘空而去頃之祥風卿雲幢節玲瓏紅妝數百中有一人卽寄書者乃宴毅於碧雲臺別去後再娶盧氏貌美曰予卽洞庭君女涇上之辱君能救之茲奉閨房永以爲好同歸洞庭莫知所終

柳

芳

唐字仲敷解人肅宗時與韋述綴緝吳兢所次國史凡百五十篇作氏族論曰三世有三

公曰膏梁有令僕曰華腴

柳

渾

唐字夷曠襄人初時相者言其天且賤爲浮屠可緩死渾曰去聖教入異端不如速死力

學愈篤遂登第貞元中同平章事時渾瑊與吐蕃會盟渾策其必劫盟已而果然上曰卿書生乃能料敵如

此其審耶

柳宗元

唐字子厚解人曾祖奭中書令父鎮殿中侍御史宗元文章卓偉第進士中博學宏詞科拜監察御史坐王叔文黨貶永州司馬徙柳州刺史爲文益進與韓愈齊名世號柳柳州有文集傳世嘗謂崔剪曰好辭工書皆病僻也吾不幸早得二病日思針砭卒不能去

柳公綽

唐字孝寬華原人性孝友平生不讀非聖之書初補校書郎嘗奏箴以諷憲宗游畋置之座隅拜御史中丞累遷檢校左僕射嘗爲山南東道節度使行部至鄧縣吏有納賄舞文之人

縣令以公綽素持法必誅貪者公綽判曰賊吏
犯法法在姦吏壞法法亡誅舞文者妻韓氏家
法嚴肅爲縉紳家楷範訓其子仲郢嘗和熊膽
丸使夜咽嚼以助勤仲郢累官侍御史京兆河
南尹不度浮屠非慶弔不至宰相第退公布卷
不舍晝夜九經三史一鈔魏晉南北史再鈔手
書分門三十卷號柳氏自備小楷精謹無一字
肆筆仲郢字諭蒙會昌中拜京兆尹爲令嚴明
大中中爲河南尹以寬惠爲政曰輦轂之下先
彈壓郡邑之治本惠養每遷烏集庭樹戟架皆
滿子玼僖昭時爲御史大夫清直有父風述家
訓以戒子孫大略云余家以學識禮法稱於士
林人當以德行文學爲根株正直剛毅爲枝荷
有根無葉或可俟時有葉無根膏雨不能活也

唐世稱家法之美以柳氏爲稱首 綽弟公
權字誠懸傳貫經術元和初進士仕爲侍書學
士穆宗嘗問筆法對曰心正則筆正帝悟其筆
諫文宗朝累官學士承旨以太子太保致仕

柳

璟

唐寶歷初登進士第三遷監察御史開成初
換庫部員外郎知制誥尋以本官克翰林學

士初璟祖芳精於譜學永泰中按宗正譜課自
武德已來宗枝昭穆相承撰皇室譜二十卷號
曰永泰新譜自後無人脩續璟因名對言及圖
譜事文宗曰卿祖嘗爲皇家圖譜仍詔戶部供
紙筆厨料五年拜中書舍人克職武宗朝轉禮
部侍郎再司貢籍時號得人 子韜亦以進士
擢第

柳

琮

唐字伯騫所拔進皆爲時選諺曰得黃金一筭不如柳伯騫一識

柳

永

宋字耆卿崇安人官水部少工樂府范鎮曰仁宗四十年太平鎮在詞林許久不能出一

語咏其盛乃于耆卿見之仁宗嘗曰此人任從花前月下淺斟低唱豈可作官遂流落不偶死之日家無餘資群妓合金塋之

郊外每春月上塚謂之弔柳

柳

開

宋字仲塗河中人少有器識作文法韓愈嘗遇書生接語以貧不能塋父將謁友求資開

問費幾何曰得錢二十萬可矣開卽罄其橐得白金數兩萬錢贈之

柳友直

宋湘陰人游太學有盛名以憂歸罹兵火甘貧孤潔不妄取與或教以治生曰伯夷亦治

生耶其刻
意如此

苟

河內商音黃帝之後奔苟寢國因氏一派出自
敬姓因避晉帝石敬瑭諱去文姓苟與去苟姓
文者相同又望
出河南西河

苟

變

周其才可將五百乘衛侯以其爲吏而食人
二雞子遂不用子思以二卵棄干城之將不
可使聞于

鄰國也

苟

諫

漢上黨太守王莽以鮑宣不附已殺
之後復欲滅其子永諫力爲保全之

苟

濟

南北潁川人與梁武有舊後仕于
北朝嘗云會于楯鼻上磨墨作檄

紐

吳興宮音
與鈕同

紐

因

南北字孝政父母喪廬墓負土成墳墳前生麻一林圍之合拱冬夏常青周武帝表其間

擢授井棠令

子士雄少質直孝友喪父廬墓

其庭前有一槐樹先甚鬱茂及士雄居喪樹遂

枯死服除還宅死槐復榮

高祖聞之嘆

其父子至孝下詔褒楊號其居爲累德里

咎

卽舅氏舅犯左
傳亦作咎犯

咎

犯

周晉文公好樂敢有諫者死國人曼之有咎犯者乃隱士也諫以五害謂近臣不敢諫遠

臣不得達平公曰善乃屏鐘

鼓除竿瑟遂與咎犯參治國

有有巢氏之後

有

若

周晉人字子有孔子弟子嘗論孝弟爲仁之本禮之用和爲貴孔子卒弟子以其似孔子

欲以其所事孔子者事之後世追封平陰侯

贊云人稟秀德氣貌或同而子儼然溫溫其容

兩端發問未答機鋒

以禮節和斯言可宗

后

后土之孫

后

處

周字子里孔子弟子贈營丘伯封膠東侯贊云攬道之華秉德之柄深造闡域不乖言行

后

蒼

漢字近君從孟卿受禮記說禮數萬言號后氏曲臺記授戴德兼通齊詩授蕭望之宣帝

尚友錄

朝爲

博士

郈

魯孝公八世孫成叔爲郈大夫因以爲氏

郈成子

周自魯聘晉過于衛右宰穀臣止而觴之陳樂而不作酣畢而送以璧成子不辭僕曰不

辭何也成子曰夫止而觴我親我也陳樂不作告我哀也送我以璧記我也由此觀之衛其亂矣行三十里而聞衛亂作右宰穀臣死之成子于迎其妻子還其璧隔宅而居之

守

見姓苑

守

恭

宋蘇東坡在惠州所薦詩酒友

丑

丑 千

南北滎陽人道成受禪之年嵩山更見
天雨石石開有玉璽文曰皇帝運興

壽

商音京兆吳王壽夢
之後又韞出博陵

壽 光

漢章帝時人能効
鬼神令自縛見形

壽 良

漢成都人任兗州牧弟緝字文平舉秀
才自歷城令進涪陵太守清儉有治聲

壽 冲

晉太僕

壽 悅

南北尚書

壽寂之

南北中散大夫

壽問

宋漢川人登科

壽因

宋武節大夫

九

九

嘉

唐夏津人從李純甫爲學歸唐歷知富平高陵二縣高祖以爲純臣入爲翰林應奉歿於

癸巳

之難

白

曰

季

周魯人見冀缺以敬相待如賓乃舉於文公曰其父有罪可乎對曰舜之罪也極鯀其

舉也與禹管敬仲桓之賊也

貢相以濟公以為下車大夫

後

東海今開封有此姓

後

胤

唐字嗣宗崑山人永徽中加金紫光祿大夫

尚友錄卷十六

終

卷之六

中時金焦遊記
遊人未盡

自出山後
遊人未盡

遊人未盡
遊人未盡

尚友錄卷十七

閩綏安 廖用賢 賓于編纂

楚晴川 張伯琮 鶴湄補輯

男 張坦讓 遜菴叅訂

孫 張任鄭 若虔 校正

張任郎 夢選

二十七寢

沈

吳興宮音周文王第十子聃季食菜于沈以邑爲氏今汝南有沈亭卽沈子國也

沈諸梁

周尹戍子字子高食采于葉僭稱公不知孔子聖人故問子路子路不對楚白公作亂葉

公入至北門或遇之曰君胡不胄國人望君如望慈父母焉又一人曰君胡不胄國人望君如望歲焉白公旣誅楚國以定好畫龍天龍聞而下之窺頭於牖曳尾於屋公懼而遠走非好真龍也好似龍也

沈

建

漢丹陽人世爲良吏建獨好道學導引服氣之術又能治病輕重應手而愈嘗遠行寄僕

婢於牧羊人各與藥一丸皆不復食旣還復與藥乃食如故

沈友

三國字子正吳人年十一為華歆所知及冠博學善屬文兼好武事注孫子兵法又辨於

口時稱其筆

舌力三絕

沈攢之

南北吳興人性疎直仕宋為丹徒令在縣以清廉不事左右浸潤日至遂鎖繫上方歎曰

一見天子足矣武帝召問曰復欲何言答曰臣坐清所以獲罪帝問清何以獲罪曰無以承奉

要人帝曰要人為誰攢之四面指曰此赤衣諸郎皆是後知其無罪復任丹徒

沈

約

南北字休文少篤志好學晝夜不釋卷博通羣籍善屬文濟陽蔡興宗為郢州時引為安

西外兵參軍兼記室及為荊州又辟為征西記室事齊文惠太子為步兵校尉直永壽省校四

部圖書特被親遇每日一入見景斜方出竟陵
王秉政約以文學見親與范雲等號稱八友梁
武帝在西郊與約善及受禪拜尚書僕射封建
昌縣侯約性不飲酒少嗜慾雖特遇隆重而居
處儉素立宅東田矚望郊阜嘗爲郊居賦以序
其事久之加侍中特進遷中軍將軍丹陽尹天
監十二年卒于官謚曰隱約左目重瞳子腰有
紫痣聰明過人好墳典聚書至二萬餘卷所著
晉書一百卷宋書齊紀梁武紀若干卷又撰四
聲韻譜自謂在昔詩人累千載未及作而獨得
其妙若將入神帝問曰何謂四聲約答曰天子
聖哲 子士規孫仲興梁武嘗令作竹賦極稱
賞之勅曰卿文體翩翩可謂無忝爾祖矣

沈道虔

南北武康人隱居石山精舍與諸孤兄子共

庾爹之資所得贈遺悉以供其衣食宋文帝
聞之遣使存問賜錢三萬米三百斛及以給其
嫁娶之資郡州府凡十三命及徵員外散騎侍
郎皆不就子

慧鋒亦脩父業

沈攸之

南北晚好學書嘗歎曰早知
窮達有命恨不十年讀書

沈鱗士

南北字雲禎武康人織簾讀書口手不息鄉
里咸號織簾先生嘗行路鄰人認其所着屐

沈曰是卿屐耶卽跣而反鄰人得屐送前者還
之沈曰非卿屐耶笑而受之初應里選入都僕
射何尚之謂子偃曰山藪故多奇士沈雲禎黃
叔度之流也豈可澄清淆濁耶汝其師之少間

引疾歸餘杭山中從游者
數百人各營屋宇依其側

沈

覲

南北字處默吳興人幼清淨有志行慕黃叔

度徐孺之爲人嘗獨處一室人罕見其面從
叔勃貴顯每還吳興覲不至其門勃就見覲送
迎不越于閫勃嘆曰吾乃今知貴不如賤前後

辟徵

不就

沈慶之

南北字弘先武康人以司空加賜几杖致仕
給三望車柳元景顏師伯造訪鳴笳列卒滿

道慶之在田間見之曰吾與公並起貧賤一時
富貴惟當共思損抑車服之盛何爲乎挿杖而
耘不顧方其未遇鄉里輕之後見膝行而前慶
之曰故是昔時沈公安用如此 嘗諫文帝北

伐云耕當問農織當問婢今欲伐國而與
白面書生謀之事何由濟 子文叔文季

沈

浚

南北字叔源武康人官御史侯景逼臺城簡
文遣浚詣景景橫刃瞋目叱之浚正色曰吾

天子使也且年已六十

何用見脇逕去不顧

沈

義

南北躬耕于野後棄耕具而亡家人求之不
得子孫相傳以爲羽化齊永明二年歸訪舊

里呼諸孫而謂之曰汝四世祖在西蜀之西以
符藥治病有活人功上帝授我白玉簡爲碧落
侍郎今歸以告汝倏忽不見邑
人駭異遂建道觀塑像以奉之

沈景筠

唐烏程人性至孝母懼雷及卒葬宅西每雷
鳴則奔至墓所號哭云某在此賀知章爲撰

孝德

傳

沈佺期

唐字雲卿武后朝爲脩文館學士嘗對后曰身名已蒙齒錄袍笏未賜牙緋后卽賜之魏

建安后江左詩律屢變至宋之問沈佺期文

加靡麗如錦綉成文學者宗之號爲沈宋

沈易直

唐德宗贈其家官爵賜之官誥凡一百二十軸皆飾以錦翠時以爲榮

沈如筠

唐句容人官至橫陽主簿有異物志一卷古異記一卷見唐藝文志

沈千運

唐其詩見元祐所編篋中集

沈彬

唐字子文隱雲陽山學仙道工詩有湘江行
數家魚網殘烟外一岸夕陽細雨中人膽

炙之 初未舉進士夢着錦衣貼月飛人謂身
不入月宮必不第果然後仕南唐爲吏部郎臨
終指葬地以示家人穴其所得石蓮花燈三院
有銅碑鐫詩云石燈猶未點畱待沈彬來 子
鱗字庭瑞學道於玉笥山常衣單褐風雪下易
嗜酒工詩時呼爲沈道者有詩寄故人陳智周
云名山相別後此去會難期金鼎消紅日丹田
老紫芝訪君雖有路懷我豈無詩休羨繁華事
百年能幾時
後尸解而去

沈

度

宋字公雅爲餘干令父老以三善名其堂一
曰田無廢土二曰市無游民三曰獄無宿繫

沈

立

宋字立之歷陽人以進士累官右諫議大夫
判都水監常著河防通議治河者悉守爲法

歷事三朝白首一節儲書至數萬卷神宗問所藏立上其目及所著名山水記三百卷神宗曰富哉後知宣州

提舉崇禧觀

沈

畸

宋蔡京當國時會吳門盜鑄獄起京欲陷劉逵婦兄章縉輩遣私人鞠之株連千餘復命

御史畸往勘畸至吳卽日決釋無左驗者七百入嘆曰爲天子耳目而可附會權要殺人以苟富貴乎京

怒貶之

沈

煥

宋字叔晦定海人以直道忤時止浙江安撫司嘗曰晝觀諸妻子夜卜諸夢寐兩者無愧

始可

言學

沈思

宋字持三號東老湖州隱君子也隱于東村

已富憂不足東老雖貧樂有餘白

酒釀來緣好客黃金散盡爲收書

沈虛中

宋廣德人舉進士歷官吏部尚書所著有資治通鑑事類十卷左傳國語要略十卷考異

三卷國史要綱二

十卷桐川集十卷

沈晦

宋赴省至天長道中夢身騎大鵬裊風而上因作大鵬賦以紀其事宣和中果魁天下

二十八感

咎

徵音子敢切太原又望出彭城

尚友錄

卷十七

咎沈冉

六

咎

商

唐博士著

心鑑五卷

咎萬壽

宋名將

二十九琰

冉

官音武陵高辛氏之後後云叔山冉之後

冉

雍

周字仲弓魯人孔門弟子寬洪簡重居德行科孔子稱其仁而不佞可使南面後世追封

薛公

冉

耕

周字伯牛魯人孔門弟子以德行稱有疾將死孔子甚痛惜之曰斯人也而有斯疾也後

世追封

鄆公

冉求

周字子有魯人孔門弟子居政事科孔子嘗曰求也藝于從政子何有仕為季氏宰後世

追封為

齊公

冉孺

周魯人孔門弟子勤學好問後世追封臨沂侯

冉季

周魯人孔門弟子勤于講道後世追封諸城侯

冉璉

宋播州人與弟璞俱有文武才前後辟召皆不起余玠安撫四川築招集館以禮士冉氏

兄弟聞之遂謁玠玠與分庭抗禮待之甚至久之無所言因使人窺其所為兄弟惟對據以堊

尚友錄

卷十七

冉璉

七

畫地爲山川城池狀又旬日始見玠曰某等
公禮遇思少裨益今若徙合川於缺魚山任得
其人以守之賢於十萬師矣玠大以爲然卽聞
於朝詔以璉爲承事郎權發遣合川璞爲承務
郎權通判州事徙城之事一以任之遂築雲居
人獲等十餘城屯兵聚糧爲必守計後果賴之

匱

匱

繇 漢生女爲桓帝母
追贈博陵皇后

三十 謙

范

高平宮音堯劉累之後東周爲唐杜氏宣王滅
杜隰叔奔晉爲士師爲士氏曾孫士會爲晉卿

食菜於范以邑爲氏范武子
文子宣子獻子世爲晉上卿

范

睢

周字叔解人副須賈使齊襄王賜金及牛酒
須賈知之以告相魏齊齊笞擊睢折脅摺齒

睢佯死得出入秦乃易姓氏曰張祿說昭王遂
拜相須賈使秦睢聞之敝衣微行之邸見賈賈
驚曰范叔固無恙乎畱與飲食曰范叔一寒至
此哉乃取一綈袍與之睢歸取大車駟馬爲賈
御入秦相府賈待門下良久問門下曰范叔不
出何也門下曰乃吾相君也賈大驚肉袒膝行
謝罪曰不意君能自致青雲之上睢曰汝所以
得無死者以綈袍戀戀有故人之意故釋之

范

蠡

周字少伯楚宛三戶人事越王勾踐與文種
同爲大夫旣苦身戮力與勾踐深謀二十餘

年竟滅吳報會稽之恥北渡兵於淮以臨齊晉
號令中國以尊周室勾踐以霸而范蠡稱上將
軍蠡以爲大名之下難以久居且勾踐爲人可
與同患難難與同安樂爲書辭勾踐曰臣聞主
憂臣勞主辱臣死昔者君王辱於會稽所以不
死爲此事也今旣以雪恥臣請從會稽之誅勾
踐曰孤將與子分國而有之蠡曰君行令臣行
意乃裝其輕寶珠玉自與其私徒屬乘舟浮海
以行終不反於是勾踐表會稽山以爲蠡奉邑
蠡浮海入齊變姓名自謂鴟夷子皮耕于海畔
苦身戮力父子治產居無幾何致產數千萬齊
人聞其賢以爲相蠡喟然嘆曰居家則致千金
居官則至卿相此布衣之極也久受尊名不祥
乃歸相印盡散其財以分與知友鄉黨而懷其

重寶間行以去止于陶以爲此天下之中矣
有無之路通爲生可以致富矣於是自謂陶朱
公復約要父子耕蓄廢居候時轉物逐什一之
利居無何復致資累巨萬天下稱陶朱公竟卒

于

范

增

秦巢人年七十輔項羽霸諸侯羽信反間增
遂棄羽而歸蘇軾謂增在羽不亡亦人傑也

范

升

漢光武朝爲博士奏
左氏之失凡十四事

范

丹

漢字史雲一名冉陳留外黃人桓帝時爲萊
蕪長不到官議者以爲侍御史遂遁去徒行
弊服賣卜于梁沛之間居徒四壁處之豁然有
時絕粒問里歌曰甌中生塵范史雲釜中生魚

尚友錄

卷十七

范

范萊蕪三府累辟不就卒謚貞節先生少與同郡尹包善出入共一縫衣到入門外尹年長常先著而入比出解與丹丹嘗候姊姊具飯丹以姊夫不德密畱五十錢而去

范

遷

漢字子廬沛國相人有清行仕爲漁陽太守以智略安邊匈奴不敢入界及居公輔有宅數畝田不過一頃復推與兄子其妻謂曰君有四子而無立錫之地可餘俸祿以爲後世業遷曰吾備位大臣而蓄財求利何以示後世

范

滂

字孟博伊陽人少勵清節舉孝廉光祿四行時冀州饑荒盜起滂爲清詔使登車攬轡慨

然有澄清天下之志及至州境守令聞風解印綬去後以鈎黨坐繫既釋復見收母曰汝今得

與李杜齊名死亦何恨滂跪受教再拜而辭聞
者流涕名列八顧詔遣常侍王甫以次辨詰
黨人滂越次仰天嘆曰古之循善自求多福今
之循善身陷大戮身死之日願埋滂于首陽山
側土不負皇天

下不愧夷齊

范

式

漢字巨卿金鄉人游太學與張邵爲友並告
歸式約曰後二年當過拜尊親乃共刻期至

日期邵白母殺雞炊黍待之母曰千里結言爾
何信之審耶對曰巨卿信士必不乖違至日果
到後邵臨終謂妻曰范巨卿可托旣死
式爲營葬護至臨湘累官荊州刺史

范

達

晉鄱陽人舉孝廉嘗過陶侃家侃母截髮易
酒延之後言侃於廬江太守侃之知名達薦

之也達仕至

會稽太守

范

宣

晉字宣子陳留人丹之後十歲能誦詩書好學高尚不仕嘗以講論爲業四方學者皆聞

風宗仰之誦讀之聲有若齊魯是時江州人物並好經學化其風也年八歲後園桃菜誤傷指大啼人問痛耶答曰非爲痛也身體髮膚不敢毀傷是以哭耳韓豫章憐其貧遺絹百匹宣固却減至一匹終不肯受康伯後與宣同載就車中裂二丈與宣曰人寧可使婦無幘耶宣笑而受

之

范

通

晉王濬平孫皓有功爲王渾所忌濬每怨之通曰卿功則美矣恨所以居美者未善濬聞

故曰旋車之日角巾私第口不言平吳功若有及者則曰聖主之威羣帥之力老夫何功之有

王渾得

無愧乎

范

喬

晉字伯孫陳畱人劉公榮深器之其父榮因齊王芳廢遷素服拜送哀慟左右遂得狂疾

不言喬與二分並棄學業絕人事侍疾至粲沒足不出邑里累徵不赴邑人臘夕盜斫其樹人有告者喬陽不聞邑人愧而歸之曰卿節日取柴欲與父母相歡娛耳何以愧爲劉彥秋嘗謂人曰范伯孫體應純和理思精密吾每欲錯其一事而不能

范元琰

南北字伯珪錢塘人性嗜學博通經史家貧以園蔬爲業嘗出行見人盜其菜遽退走母

問其故對曰畏其愧恥故也或涉溝盜其笋元
琰因伐木爲橋以渡自是盜者大慙一鄉無復
鼠竊齊梁間
累徵辟不就

范

曄

南北字蔚宗仕宋爲秘丞左遷宣城太守不
得志乃刪後漢書自爲一家之作 初曄與

釋曇遷王曇首遊後曄被誅門有十二喪交知
無敢近者曇遷抽貨衣物悉營送葬宋孝武聞
而歎賞語徐爰曰卿
著宋書勿遺此士

范栢年

南北初見宋明帝因言及廣州有貪泉帝問
卿州有此水否對曰梁州惟有文川武鄉廉

泉讓水又問卿宅在何處曰臣所居
在廉讓之間帝善之爲梁州刺史

范雲

南北字彥龍善屬文宛轉清便如流風回雪仕于齊後歸梁爲吏部尚書

范縝

南北字子貞齊永明中爲中郎時竟陵王子良盛招賓客縝與焉良精信佛教縝每言無

佛良曰君不信因果何得富貴貧賤曰人生如樹花隨風而墮有拂簾幌落茵席之上有越籬墻落糞溷之中因果竟在何處良不能屈

范懷約

南北吳人能隸書學顏協書皆逼真

范叔孫

南北錢塘人性仁厚周窮濟急里中大疫躬往撫療貧者給藥餌有里人父母兄弟同時死者數家尸腐經旬人莫敢過其門叔孫皆具棺梓親往殯殮葬之鄉人重其義呼曰范義嘗

辟竟陵王

參軍不就

范崇凱

唐內江人善屬文明皇命作華萼樓賦入奏爲天下第一與弟元凱齊名時號梧岡雙鳳

范質

宋字文素宗城人性明悟九歲能屬文後唐時進士自從仕未嘗釋卷後周時累官平章

事左僕射及宋太祖陳橋之立質誚讓之具陳禪讓之禮封魯國公質廉慎守法太祖稱爲真

宰相有文集及五代通錄共九十餘卷質年

二十舉進士時翰林學士權知貢舉和凝平生

以宰輔自期登第姓名在十三及覽范質文知

其非常亦列在第十三場屋間謂之傳衣鉢後

凝登庸質亦大

拜果如所舉

范仲淹

宋字希文吳縣人三歲而孤隨母改適長山朱氏冒姓朱大中祥符間舉進士改本姓謝

啓云志在投秦入境遂稱於張祿名非霸越乘舟乃效於陶朱時人服其親切初居長白山僧舍習讀日煮粟米二升作一器刀畫爲四塊早晚以斷藁數莖啖之其清苦如此初舉進士試金在鎔賦云如令區別妍蚩願爲金鑑若使削平禍亂請就干將將相器業可見矣鎮延安夏人相戒曰毋以延安爲意小范老子胸中自有數萬甲兵公銳意天下嘗曰士當先天下之憂而憂後天下之樂而樂取班簿視不才監司一筆勾去富公曰一筆勾一家哭矣公曰一家哭何如一路哭公輕財好施尤厚於族人於姑蘇買良田數千畝爲義莊以養族之貧者嫁娶喪

葬皆有贍給公由右司諫歷數州所至有惠政
召拜樞密副使進參知政事未竟所施卒謚文
正追封楚國公 公不信佛蘇公嘗求其所以
不信之故范曰平生事非目見者不信蘇曰公
亦何能然哉設公有疾令醫切脉醫曰寒則服
熱藥醫曰熱則服寒藥公何嘗見脉而後信之
公默然 四子純祐純仁純禮純粹 長子純
祐字天成受業胡瑗英悟能文性孝事父不違
左右仲淹出鎮關陝純祐與將卒錯處鈞深摘
隱得其才否由是仲淹任無失而累有功後以
廕爲將作主簿 次子純仁字堯夫仲淹知開
封時遣將麥五百斛往姑蘇還次丹陽見石曼
卿云三喪欲舉無與謀者堯夫以麥金與之二
女未適又以舟與之還見公曰江南見故舊乎

曰丹陽見石曼卿者三喪不歸二女未適以麥
金與之猶未敷曰何不連麥舟與之曰與之矣
公曰善堯夫嘗從胡瑗孫復學勤志肄業父
歿始出仕知襄城縣遷侍御史知諫院言王安
石變法妨民前後上言無所諱避安石怒出知
河中府歷轉諸州多有惠政哲宗時累官尚書
僕射中書侍郎以博大開上意以忠篤革士風
卒謚爲忠宣追封許國公著有文集五十卷
堯夫少時晝夜肄業置燈帳中夜分不寢後貴
夫人收其帳頂如墨色以示子孫曰爾父少時
勤學燈烟迹也公自布衣至宰相常戒子弟曰
吾平生所學得之忠恕二字而已一生用不盡
也徽宗書其碑額曰世濟忠宣之碑堯夫謫
永州夫人不如意輒罵章惇舟過橘州大風雨

船破僅得及岸公次子正平持蓋公自負夫人以登燎衣民舍公顧夫人曰豈亦章惇所爲耶公娶婦或傳以羅綺爲幔者文正聞之不悅曰羅綺豈帷幔之物敢持至當火于庭吾素清儉安得亂吾家法三子純禮字彝叟以蔭爲秘書正字元祐中累遷給事中封駁皆國體之大者歷吏部侍郎徽宗立以龍圖閣學士知開封府務去苛政一切以寬處之立朝沈毅剛正曾布憚之卒謚爲恭獻四子純粹字德孺元豐中爲陝西轉運判官時五路出師無功神宗欲再舉純粹言公私大困根本可憂遂止入爲右司郎中哲宗立以龍圖學士出知慶州後以元祐黨奪職知筠州徽宗時累知永興軍以徽猷閣侍制致仕純仁子正平官開封尉

范純誠

宋字子明文正猶子文正置義州官純誠辨習因奏爲長洲尉俾創規法以貽永久歷官

衢州

司理

范廷召

宋棗強人父鐸爲里中惡少年所害廷召手刃父讐剖取其心以祭父墓善騎射有羣鳥飛過發矢貫其三累功歷拜

代環慶兩副都署卒贈侍中

范鎮

宋字景仁華陽人寓居洛陽舉進士累官翰林學士嘗論新法不合以戶部侍郎致仕熙

豐間士大夫論天下賢者必歸于司馬光及鎮其道德風流足以師表當世光當自謂勇決不如景仁少時作長嘯却胡騎賦後奉使契丹虜中相目曰此長嘯公也兩入翰林四知貢舉卒

謚忠文有

文集百卷

范祖禹

宋字淳夫鎮從孫初字夢得生時母夢一偉丈夫披金甲至寢室曰吾故漢將鄧禹也故

以爲名舉進士甲科爲秘書郎從司馬光編脩資治通鑑書成薦除秘書正字後拜右諫議大夫上疏勸哲宗辨邪正甚懇切官至翰林學士嘗進帝學八卷唐鑑十二卷仁宗正典六卷

子冲

温

范成大

宋字正能號石湖居士吳縣人紹興中進士隆興中出使金國竭節盡忠累官叅知政事

後制置四川知明州帥金陵以資政殿大學士奉祠成大素有文名尤工於詩有石湖集百三

十六卷吳門志五十卷使北則有攬轡錄過海則有虞衡志出蜀則有吳船錄如三高亭記天

下誦

之

范宗尹

宋字覺民建炎中拜相時年未及四十

范端臣

宋字元卿浚之從子受學於浚紹興中登第累官至中書舍人右史雖入官未嘗廢

學文詞典雅尤工於詩有集三卷出入諸家卓然名世學者稱爲蒙齋先生潘慈明誌其墓謂篆楷草隸皆造於妙吳師道亦稱其天才俊逸詞翰絕人乾淳中著聲館閣

范旺

宋爲順昌巡檢紹興初俞勝等亂土軍請降旺叱之曰吾父母妻子並受國恩今不能討

賊有死而已賊怒殺旺及妻子旺死跡在地隱隱不沒邑人異而祀之

范應鈴

宋字旂叟豐城人開禧初進士知崇仁縣甚有政績累遷大理少卿卒謚清敏號西堂先

生所著有西堂雜著及對越集徐鹿卿稱其經術似兒寬決獄似雋不疑治民似龔遂風采似

范滂理財似劉晏而正

大過之人以爲名言

范啓

宋字彌發號求邇唐歙州刺史傳正之後博學窮理嘗從饒州沈毅齊游志節高尚不樂

仕進胡幼裘嘗薦自代理宗徵不起賜號風月處士所著有雞肋謾錄管錐雜誌及井觀雜說

湛

望出豫章

湛然

南北工于
画蝴蝶

湛賁

唐宜春人初爲州吏其妻與彭伉之妻兄弟也伉擢進士第親族集賀之座皆名士以賁胥也獨飯之後閣妻數之曰男子不自振勵顧困辱如此復何容賁由是感憤力學一舉登進士上第伉聞賁舉方跨驢赤板橋墮地時人語曰湛賁登第彭伉落地

一送

貢

廣平宮音端木賜子貢
之後以王父字爲氏

貢禹

字少翁琅邪人以明經高行徵博士元帝朝累官御史大夫數言得失年八十一乞歸帝

尚友錄

卷十七

貢仲

十七

報曰生有伯夷之廉史魚之直故親近生幾叅國政而云欲退意豈有所恨耶生其強飯慎疾以自輔卒官其子初爲河南令以職事爲府官所責免官謝禹曰冠一免安可復冠遂去與王吉相友善世言王陽在位貢禹彈冠言取舍同也

貢祖文

宋字仁德大名入靖康中授武德大夫都總軍將扈從南渡居宣城與岳武穆友善協志恢復及秦檜當國廢于家岳氏受禍祖文潛匿其胤于別墅

仲

山中宮音高辛氏才子仲堪之後以王父字爲氏又望出樂安中山

仲山甫

周宣王舅封申築城于謝尹吉甫作詩送之曰惟嶽降神生甫及申

仲

由

周字子路泗水人母感雷精而生故好勇孔門弟子有政事才問過則喜勇于爲義片言

可以折獄仕衛死難後世追封衛公嘗見夫

子曰家貧親老不擇祿而仕昔由也嘗食藜藿

之食爲親負米百里之外親歿之後南遊於楚

從車千乘積粟萬鍾累茵而坐列鼎而食雖欲

爲親負米不可得也子路爲季氏宰季氏祭

逮昏而奠終日不足繼以燭有司跛倚以臨祭

其爲不敬也大矣他日祭子路與焉室事交

乎戶堂事交乎階質明而始行事晏朝而徹

仲

并

宋字彌性江都人紹興壬子進士任平江教授改左承奉郎歷光祿寺丞仕終朝請大夫

淮東安撫司叅議官并幼好學強記每一展誦

終身不忘其母嘗屏所觀書几上惟餘臺歷一

尚友錄

卷十七

仲鳳痛

十八

冊明旦默記吉曜凶煞纖悉不誤及長卓犖不羣潛心問學力排王氏一偏之說惟六經孔是師筆勢翩翩俊聲籍甚所著有浮山集卷詩律上窺風雅四六序事雖闕肆關

鳳

望出乎陽郃陽

鳳

綱漢神仙傳

痛

周穆王盛姪早卒改其族曰痛氏

痛無忌

周宋人見急就章

二宋

宋

京兆宮音周武王封殷後于宋其後以嗣爲氏

宋玉

周楚人屈原弟子爲楚大夫憫其師放遂乃作九辨述其志以悲之又作神女高唐二賦

皆寓言托興有所諷也

宋倫

周洛陽人厲王甲辰歲凝神慕道事老聃授之上道能飄然飛步凌波陟險至宣王丁巳

歲上昇

爲仙

宋昌

漢爲中尉時諸呂作亂大臣旣平之使人迎代王郎中今張武等議皆以爲不可信願稱疾無往以觀其變宋昌進曰群臣之議皆非也夫以呂太后之嚴立諸呂爲主擅權專制然而

太尉以一節入北軍一呼士左袒爲劉氏此乃天授非人力也後代王笑謂宋昌曰果如公言

宋勝之

漢南陽安衆人少孤孝慕甚篤家于穀城聚中聚中人皆化之每行見老人擔負輒以身

代獵得禽獸卽分與所親者至長安受易以信義聞從兄褒爲東平內史遣使召之勝之曰衆人所樂者非勝之所願也乃去遊太原從郇越牧羊以琴書自娛丞相孔光聞而就太原辟之不至元始三年卒于太原

宋

均

漢字叔庠建武中爲九江守郡多虎暴常募設檻穽而猶多傷害均曰今爲民害咎在殘

吏其務退奸貪進忠善可一去檻穽其後虎皆東遊渡江去楚沛多蝗其飛至九江界者輒東

西散去明帝

朝拜尚書令

宋

弘

漢字仲子長安人威容德器群臣莫及明帝姑湖陽公主新寡欲妻弘難斥言帝令公主

坐屏後從容謂宋弘曰富易交貴易妻人情乎

弘曰臣聞貧賤之交不可忘糟糠之妻不下堂

帝顧謂主曰事不諧矣官大司空所入

租俸悉分贍九族以清節稱封宣平侯

宋

登

漢字叔陽少傳歐陽尚書教授數千人爲汝陰令政令明稱神父入爲尚書僕射順帝以

登明識禮樂使持節

臨太學奏定典律

宋

翼

漢鍾繇弟子每畫一波三折筆作一戈如百鈞弩作一點如高峰墮石作一牽如百歲枯

藤作一放縱如驚蛇

人草此三折書云

宋次道

晉家書皆校讐三五遍世之藏書以次道家爲善本佳在春明坊士大夫喜讀書多僦居

其側以便於借置故也當時春明宅子僦直比他處常高一倍

宋

纖

晉字令艾燉煌人少有逸操隱居酒泉南山弟子受業者三千餘人時大守馬岌具威儀

造焉纖拒不見岌嘆曰名可聞而身不可見德可仰而形不可觀今而後知先生人中龍也乃銘詩于石壁曰丹崖百丈青壁萬尋奇木翳鬱蔚若鄧林其人如玉爲國之琛室邇人遐實勞

我心卒年八十
諡曰元虛先生

宋景文

晉好客會賓于廣厦中外設重幕內列寶炬百味具備歌舞俳優相繼觀者忘疲但覺更

漏差長席罷乃二

宿名曰不曉天

宋處宗

晉名宗沛國人官袁州刺史得一長鳴雞愛養窗間後作人語與宗談論極妙由是文學

大進

宋世良

南北字元友魏孝莊拜爲清河太守郡東有曲隄盜之所萃世良施八條之制盜奔他境

民謠曰曲隄雖險賊何益但有宋公且屏跡遇

赦郡無一囚率群吏拜詔而已獄中櫓生桃樹

蓬蒿亦滿衙門虛寂謂之神門弟世軌仕魏

爲大理少卿執法寬平時蘇珍之爲大理正明

敏能斷寺中語曰決定嫌疑蘇珍之視
表見裏宋世軌時人以爲寺中二絕

宋友文

唐工書富文辭有勇力號三絕三子之間
文章之悌驕勇之遜精草隸世謂三子各得

父之一絕之問字延清工詩武后嘗幸洛苑
詔羣臣賦詩東方虬先就賜以錦袍及得之問
詩嘆賞不置乃奪錦袍賜之中宗春日集昆明
池命侍臣應制屬上官昭容選第一者昭容從
樓上落紙如飛惟沈宋二詩不下又移時落一
紙乃沈詩也評曰二詩功力悉敵宋末句不愁
明月盡自有夜珠
來校佺期更勝耳

宋璟

唐字廣平南和人耿介有大節每遇事直言
不顧身之利害武后時爲鳳閣舍人太后嘗

命朝貴宴集張易之兄弟皆位在璟上易之素
憚璟欲說其意虛位揖之曰公方今第一人何
乃下坐璟曰才劣位卑張卿以爲第一何也天
官侍鄭杲謂璟曰中丞柰何卿五郎璟曰以官
言之正當爲卿足下非張卿家奴何郎之有舉
坐悚惕後盧懷慎姚崇並薦其賢遷刑部尚書
西京畱守帝遣內侍楊思勗迎之璟風度凝遠
人莫能測在途不與思勗交一言思勗素貴幸
歸訢於上上嗟嘆良久益重璟以爲黃門監璟
爲相務在擇人隨材受任使百官各稱其職刑
賞無私犯顏正諫上甚敬憚雖不合意亦曲從
之姚宋相繼爲相崇善應變成務璟善守法
持正二人志操不同然協心輔佐使賦役寬平
刑罰清省百姓富庶唐世賢相前稱房杜後稱

姚宋他人莫得比焉二人每進見上輒爲之起去則臨軒送之其寵遇如此後以左丞相致仕歸東都綱目特書其歸東都惜賢者之遠也

宋齊丘

五代萬載人好學善屬文仕南唐拜相乞歸九華山陽號九華先生著化書理訓各十卷

化書乃仙人譚峭所著齊丘竊爲已書行於世

宋白

宋字太素大名人少善屬文乾德初獻文百軸試高等授著作佐郎以親老祈外任知蒲

城衛南二縣太宗擢爲左拾遺權出知交州歲餘召還泰山劉繼元降翌日奏平晉頌太宗召

白至行宮褒慰已而改爲翰林學士雍熙中召白與李昉等纂文苑英華一千卷

宋

綬

宋字公垂平棘人父臯直隸貢院父子同在館閣世以爲榮王旦曰劉筠宋綬晏殊屬文

有永貞元和風格綬四入翰林仁宗朝參大政累官資政殿大學士參知政事朝廷大議論多所裁定綬善屬文筆札猶極精妙卒謚宣徽所撰有鹵簿圖十卷子敏求字次道知制誥六年與李大臨蘇頌相繼繼還詰命世稱熙寧三舍人

宋

庠

宋字公序雍丘人初名郊仁宗命改今名少時與弟祁逢一異僧曰小宋當魁天下大宋

亦不失前名後十年大宋又遇之途僧曰公已活數萬命乎當爲大魁庠自許云此堂蟻穴爲大水所侵編竹爲橋以渡之必此也比唱名小宋第一章獻太后謂弟不可先兄命大宋爲第

一小宋第十後並入翰林庠嘗奏事而衣冠帶
寬誤墜文書于地不顧而行上呼內侍拾與之
議者謂仁宗得人君體宋公得大臣體皇祐中
拜中書平章數言國家當慎固根本封鄭國公
卒贈太尉謚元獻爲人儉約好學不倦所著有
校定國語補音通譜叢志諸書 弟祁字子京
父玘爲應山令夢人遺文選一部而生公故小
字選郎歷官太常博士詔定新樂權度支判官
上言三冗三費進翰林學士禮部侍郎上禦戎
七論累遷龍圖閣學士知鄭州與歐陽脩同脩
唐書書成遷左丞進工部尚書學士承旨卒謚
景文 過御街逢內家車子有褰帷呼小宋者
祁因作鷓鴣天一曲落句云劉郎已恨蓬山遠
更隔蓬山千萬重其詞傳達禁中仁宗訪知呼

小宋者後因與翰林語及小詞祁聖懼上曰
蓬山不遠遂以前宮娥賜之古今以為美談

宋自遜

宋字謙父南昌人號壺山詞筆絕高嘗作驀
山溪自述云壺山居士未老心先懶愛學道

人家辦竹几蒲團茗碗青山可買小結屋三間
開一徑俯清溪修竹栽教滿客來便請隨分家
常飯若肯再畱還更薄酒三杯二盞吟詩度曲
風月任招呼外事不相關自有天公管所著詞
集名漁

樵笛譜

宋

耕

宋號雪溪先生世家雙流遷崇慶紹興中為
閩中令自仙去其後孫德之聞其在四明

親往訪焉至雪竇山有蜀僧言聞諸耆老云山
後有爛平山有二居士焉其一宋宣教也德之

躋攀至爛平果見丹竈而仙蹤
不可復尋矣乃置祠其上而歸

四寘

冀
渤海角音晉大夫卻芮
食采于冀其後以爲氏

冀
雋
南北太原人性沉謹善隸書以功累遷昌樂
郡守湖州刺史每以清約恬靜自處前後所

歷俱有聲後
進爵昌樂侯

冀
重
唐著冀
子五卷

季
渤海徵音陸終氏之子季連之後一云魯
桓公第四子季友之後又字山壽春魯國

季文子

周家無衣帛之妾無食粟之馬無藏金玉無重器君子于是知文子之忠于公家也相三

君而家無私積每事必三思

而後行孔子以再思裁之

季布

漢楚人爲項羽將數窘漢祖羽滅漢千金購布匿者三族布乃髡鉗自賣魯朱家朱知其

布也之洛陽見汝陰侯滕公曰布何罪臣各爲

其主耳項臣可得盡誅耶且布之賢漢求之急

不北走胡南走越爾以壯士資敵國子胥所以

鞭荆平也上始得天下以私怨求一人何示之

不廣也滕公言於上赦之召爲郎楚人諺曰得

黃金百斤不如季布一諾曹丘生爲布游揚故

布名滿天下弟心功臣表封

戚國侯初爲任俠名蓋關中

季

惇

唐字希聲江
西詩派中人

知

望出天水姬姓卽荀氏別食知
邑又爲智氏望出河東陳留

知

浹

宋高宗朝人好直言岳飛以賓客待之
飛下吏浹上書訟其冤秦檜怒併送獄

摯

古諸侯摯疇
之後因氏焉

摯

峻

漢字伯陵京兆長安人少著清節隱旴山號
旴山居士後卒旴人爲之立祠世奉祀不絕

摯

恂

漢字季直京兆人明禮易遂治五經博通百
家善屬文詞論清美永初中以儒術教授隱
于南山不應徵聘名重關西馬融從之游恂愛
其才以女妻之後融果爲大儒時人服其知人

後詔博求名儒公卿薦其賢侔顏閔學擬仲舒
文參長卿才同賈誼實瑚璉器宜在宗廟爲國
碩輔中是公車徵辟不起

清名顯于世三輔稱獎

摯

虞

晉字仲治京兆人才學通博舉賢良武帝詔
賢良會東堂策問虞對畢擢太子舍人以漢

末喪亂譜傳多失乃撰族姓昭穆十卷奏之歷
任光祿勳太常卿虞少好學師事皇甫謐與

樂廣名位略同廣長口才虞長筆才衆坐廣談
虞不能對退虞筆難廣廣不能答於是更相嗤
笑紛然於世廣無所記
虞多所錄於斯爲勝也

摯

瞻

晉字景游太常虞兄子也父育梁州刺史瞻
少善屬文起家著作郎中朝亂依王敦爲戶

曹叅軍歷安豐新蔡西陽太守復出作內史年
始二十九別王敦敦謂瞻曰卿年未三十已爲
萬石亦太早瞻曰方于將軍少
爲太早比之甘羅已爲太老

義

河東又望出平原漢有義道人年一百五十歲泰州人

義太初

宋字仲遠營道人先以詞賦名尋舍法宗濂
溪之學登淳熙戊戌進士性行端方周益公

楊誠齋朱晦菴趙端明皆與之遊屢表其能歷
典高瓊二藩號冰壺有冰壺詩十卷易集註五

卷文集

二十卷

利

河南楚公子食采
于利因以爲氏

利真源 漢得道
為真人

刺 見姓
苑

刺正甫 唐撰姑蘇水
利志十卷

類 出姓
苑

類犴反 周睢陽人有辱其父而與睢
陽太守俱出反殺其仇車上

飲

飲非 周勇上嘗得寶劍于干遂涉江至中流兩蛟
繞其舟非謂舟人曰汝曾見兩蛟夾舟而舟

中之人有全活者乎舟人對曰未見非曰若此
吾乃江中朽骨腐肉耳復何愛乃攘臂拔劍赴
江刺殺蛟而止衆賴以全荆王聞之官以執
圭孔子知而嘆曰腐肉朽骨猶能除害壯哉

賁

秦非
之後

賁

嵩

晉清操
之士

暨

渤海宮音又望出餘
杭居乙切又云音吉

暨

陶

宋字粹夫崇安人長于聲律以賦知名元豐
進士第一官至承議登第時初定陶爲第一

臚唱者以泊聲呼之迄不應蘇頌奏當以入聲
呼之陶果出上曰卿何以知爲入聲頌曰必三

國暨豔之裔及問陶籍貫云建州
上喜曰果吳人也官至奉議郎

五未

費

江夏羽音商紂幸
臣費仲夏禹之後

費直

漢字長翁膠東人治易長于筮為單父令
所著有彖象繫辭十篇文言解說上下經

費貽

漢蜀人公孫述徵之佯狂
以避述亡仕至洽浦太守

費長房

漢汝南人東漢時為市掾從壺公學仙後辭
去公與一竹杖曰騎此任所之既至可投之
葛陂又為作一符曰以此主地上鬼神乘杖須
臾來歸自謂去家旬日而已十餘年矣以杖投

陂顧視則龍也遂能鞭笞百鬼驅使社公或一日之間人見其千里之外數處焉後失其符爲

衆鬼

所殺

費

詩

三國字公舉犍爲人漢昭烈將卽位詩上疏曰殿下以曹操偏主篡位故糾合士衆討賊

今大敵未克而先自立恐人心疑惑由是

忤旨左遷蔣琬秉政以詩爲諫議大夫

費

禕

三國字文禕郫縣人識悟過人有益土與董允齊名蜀漢後主時爲黃門侍郎後代蔣琬

爲尚書令當國功業略與琬比嘗使吳孫權曰

君天下淑德必當股肱蜀朝魏軍次于興平

蜀假文禕節督師往禦光祿大夫來敏至文禕許別就求圍棋于時羽檄交馳嚴駕已訖文禕

謂意對戲色無厭倦敏曰聊試和耳信
自可人必能辨賊子承官黃門郎

費

彪

晉國子助教著
尚書疏文十卷

費

昶

南北江夏人嘗爲樂府又作鼓吹曲梁文帝
重之歎曰才意新拔有足嘉異昔山暉博物

永簡巧詞實附

勸善賜絹十匹

費冠卿

唐青陽人旣登第聞母病革馳歸而母已葬
遂廬墓以終喪嘆曰子祿養親耳得祿而親

喪何以祿爲再詔不起杜荀鶴詩凡弔先生

者多傷荆棘間不知三尺墓高却九華山

費孝先

宋安仁人至和初嘗游青城董正圖學舍壤
其竹床欲償其值正圖曰成敗有數何償焉

尚友錄

卷十七

費

二十九

孝先視其側書云某年月日爲費孝先所壞大驚卽師事之正圖授以易孝先遂以其術名聞

天下

魏

鉅鹿宮音周文王第十五子封于畢曰畢公高裔孫畢萬仕晉封魏至犇絳舒代爲晉卿後分

晉爲諸侯以國氏

焉又望出任城

魏

犇

周晉文公有魏犇賈佗爲之股肱號魏武子子顓初武子有嬖妾武子疾命顓曰必嫁

是妾疾革則曰必以爲殉及卒顓從治命嫁之秦師伐晉顓敗之獲杜回顓見老人結草以抗回故獲之夜夢老人曰余而所嫁婦人之父也爾用先人治命余是以報顓弟絳事晉悼公

爲軍司馬因言和戎有五利公悅之使經畢計戎勸公脩政息民而諸侯平蕭魚之會爲下車佐卒謚

曰莊

魏無忌

周昭王子食客三千人諸侯以其賢不敢加兵用侯生朱亥殺晉鄙奪魏兵以救趙又率

五國兵大破秦兵威振天下號信陵君有驚鳩投入案下一鷁在屋公子縱鳩去鷁遂殺之公子謂鳩避禍歸吾吾負之乃捕鷁得二百公子按劔曰誰獲罪一鷁獨低首伏罪示而殺之餘皆去故名流天

下而士歸焉

魏無知

漢嘗薦陳平于高帝旣而平爲周勃等所毀帝召無知讓之無知曰臣所言者能也陛下

所問者行也今有尾生孝已之行而無益成敗之數陛下何暇用之乎帝善之後平封戶牖侯辭曰非魏無知臣安得進上曰若子可謂不背本矣乃復賞無知

魏

尚

漢興平人雲中太守軍市租盡以給士卒出私俸錢五日一殺牛以饗軍吏匈奴不敢近

雲中

塞

魏

相

漢字弱翁定陶人地節中拜相嘗白去副封以防壅蔽時宣帝勵精爲治揀羣臣核名實

而相總領衆職甚稱上意蔚爲一代賢良封高平侯圖形麒麟閣

魏

應

漢字君伯任城人明經脩行弟子從遠方至者常數千人永平初爲博士會諸儒于白虎

觀講論五經同
異章帝甚重之

魏

譚

漢瑯邪人少時逃亂爲饑寇所獲等輩數十人皆束縛以次當烹賊見譚似謹厚獨令主

爨暮輒就縛賊有夷長公特哀念譚密解其縛語曰汝曹皆應就食急從此去對曰譚爲諸君爨恒得遺餘人皆如草菜不如食我長公義之相曉赦遣並得俱免譚永平中爲王家令

魏

照

漢童子時求入事郭泰供給灑掃泰曰當精義講書何來相近照曰經師易獲人師難遭

欲以素絲之質附近朱藍於時泰名顯士爭歸之載刺常盈車

魏長齊

晉雅有體量而才學非所經初宦當出虞存嘲之曰與卿約法三章談者死文筆者刑商

路抵罪魏

怡然而笑

魏

舒

晉字陽元任城人少爲外家寧氏所養寧氏起宅相宅者云當出賢甥舒曰當爲外氏成

此宅相年四十對策升第入爲尚書郎累遷

爲鍾毓長史毓與參佐射舒客範閑雅發無不

中舉坐愕然魏文帝深器重之每朝退目送之

曰魏舒堂堂人之領袖也晉武朝拜爲司徒

舒有威重德望祿賜散之九族家無餘財累表

送章綬求退時論以三公辭榮善終末有如舒

也卒年八十二魏夫人舒之女也名華存適

南陽劉文生二子米立乃齋別寢三月太極真

人隆授道法年八十三漢成帝咸安九年清虛

真人王褒與夫人藥服之白日升天善書法有

流動之勢嘗赴鍾毓辟毓初不知其善射偶與衆人射舒發無不中舉坐莫有敵者毓嘆賞者再三謂舒曰吾之不足以盡卿才有如此射

魏季景

南北下曲陽人父鸞以有容儀爲奉車都尉季景博學有文才魏莊帝時爲中書侍郎歷

官大司農卿及卒家無餘財遺命薄葬所著有文筆二百餘篇子澹字彥深專精好學博涉

經史善屬文仕隋爲禮部侍郎遷著作郎高祖以魏收後魏書褒貶失實平繪中興書事不倫序詔澹別成魏史矯收繪之

失甚爲簡要又有集三十卷

魏攀

南北鉅鹿人知人好古名盛一時聞高邑陸夸少有大度耽好書傳高尚不仕寄情丘壑

乃以女妻之情同朋好未嘗備翁壻之禮
夸亦作朋友論以答之辭義爲時所稱

魏

收

南北字伯起季景之族子少機警能屬文與
溫子昇邢邵稱北朝三才北齊受禪詔冊諸

文及魏史皆收所撰稱爲權史官

至尚書左僕射卒贈空謚文貞

魏

愷

南北曲陽人北齊召拜青州長史不就顯祖
怒曰何物漢子故逆我命問愷死與長史孰

優愷云能殺臣者陛下不受

長史者愚臣顯祖大奇之

魏

徵

唐字元成下曲陽人太宗時拜諫議大夫徵
狀貌不揚有膽氣犯顏敢諫雖上怒甚徵神

色自若上亦之徵徵嘗謁告上冢還言人
言陛下欲幸南山外皆嚴裝已畢陛下竟不行

何也上笑曰實有此心畏卿嗔故中輟耳上當
得佳鶚自臂之望見徵來匿懷中徵奏事故久
不已鶚竟死懷中凡上二百餘奏無不剴切當
帝心者後以秘書監叅預朝政及卒帝歎曰以
銅爲鑑可正衣冠以古爲鑑可知興替以人爲
鑑可知得失徵沒朕失一鑑矣登凌烟閣觀畫
像賦詩痛悼封鄭國公謚文貞嘗撰隋書本紀
列傳 幼子尋拜尚書右丞兼諫議大夫字叔
瑜善草隸以筆意傳其子華及甥薛稷世稱善
書者前有虞褚後有薛魏 一云魏徵字玄成
四子叔玉叔
琬叔璘叔瑜

魏奉古

唐初仕爲雍州尉九日公宴有客草序五百
言奉古曰此舊文也援筆倒疏之徐笑曰適

覽記之耳

由是知名

魏知古

唐深州人官黃門侍郎時盛夏勅玉貞觀知古諫罷之宋璟曰叔向古遺直子產古遺愛

兼之者其

魏公乎

魏

萬

唐號王屋山人嘗自嵩歷充遊梁入吳計程數千里來訪李白不遇因下江東尋諸名山

觀謝公石門後于廣陵與白相見白稱其美而愛文好古獨往物表作詩以贈之萬亦有答李

篇見李詩集中

并白詩自序

魏元忠

唐宋州人爲大學士高宗召見目送之曰名不虛得真宰相也聖歷中拜鳳閣侍郎還鄉

拜掃詔宰相諸司長官送於上東門上幸白馬寺送之賜錦袍一領銀一函制曰衣錦晝還在

乎茲日敬金敷惠諒屬斯

魏玄同

唐字和初與裴炎締交善保終始時號耐久朋則天朝同鳳閣鸞臺一品

魏謩

唐字中之徵五世孫文宗因讀貞觀政要詔訪徵後楊汝士薦謩爲右拾遺起居舍人上

問家書有存者乎對曰惟故笏在詔令上送鄭譚曰在人不在笏帝曰此笏乃今之甘棠宣

宗朝拜相議事天子前規諷讜切上曰

謩名臣孫有祖風年八十六薨贈司空

魏仁溥

五代字道濟周世宗朝同平章事趙太祖卽位進右僕射與鄭元昭有宿憾及大用以元

昭典五郡人稱爲長者卒謚宣懿 子咸信咸
熙熙性仁孝入宋仕爲屯田郎中累遷至太僕
射少卿嘗會賓客家童覆案碎器客皆驚愕咸
熙色不變令更設饌具其寬厚若此 子昭慶

昭文昭素

仕于時

魏

野

宋字仲先陝縣人居東郊架草堂有水竹之
勝無貴賤皆白衣紗帽見之出跨白驢號艸

堂居士好彈琴賦詩其詩有云棋進莫饒客琴
生却問兒松風輕賜扇石井勝頒冰洗硯魚吞
墨烹茶鶴避烟太宗時祀汾陰召之辭疾不至
帝命工圖其所居觀之一日方教鶴舞忽報中
使至抱琴踰垣而走以詩贄王文正云從前輔
相皆頻出獨在中書十五秋泰嶽汾陰俱禮畢

這回好伴赤松遊寇萊公鎮洛三邊不至遂寫
刺訪之仲失曷巾布袍長揖議論騷雅相得甚
懽曰盛刺不復還畱爲山間寶與寇萊公同遊
陝郊僧寺後再到萊公詩用碧紗籠魏詩塵滿
從行官妓以袖拂之仲先云若得時將紅袖拂
也應勝着碧紗籠後與萊公詩云好去上天辭
將相却來平地作神仙子
閑亦不仕號清逸居士

魏

瓘

宋真宗朝知廣州以築子城有功再任五年
有感懷詩云羸羸霜髮一衰翁蹤跡年來類
斷蓬萬里遠辭雙闕下一身長在衆人中螭頭
輪對恩雖厚雉堞論功事亦空淮上有山歸未
得獨揮清淚洒春風又云人言嶺外無霜雪何
事秋來亦滿頭文潞公採其詩呈進加龍圖學

士召還廣州八

賢堂瓊居其一

魏

泰

宋襄陽人善文章著臨漢隱居集二十卷又著東軒筆錄十五卷嘗賦襄陽形勝識者偉

之章惇欲官

之章不就

魏良臣

宋字道弼溧陽人高宗嘗稱其可屬大事後累官叅知政事良臣每語及天下事奮髯抵

掌以爲

已任

魏行可

宋字當時建安人建炎中以太學生應募假禮部侍郎使金因畱不遣嘗遺書金人警以

不戢自焚之禍金人逼其仕不從仰天號慟飲鴆而死紹興中追贈秘閣修撰官其二子一弟

魏

勝

宋字彥威富遷人多智勇善騎射紹興末金人南侵勝聚義士取漣水軍及海州廣募兵

以圖恢復與金人戰俘敵甚衆或當危逼中輒叱曰魏勝在此人皆辟易嘗冒圍突出人不能近又嘗這如意車行則載輜重止則爲營金人來犯極力禦之援兵不至墜馬死事聞贈保寧節度使

謚忠壯

勝與岳飛劉錡李

顯忠爲中興四將

魏了翁

宋字華父浦江人本高姓出繼魏氏因姓魏慶元進士第三人累官吏部尚書端明殿學

士同僉書樞密院事先是論事忤史彌遠謫官靖州築鶴山書院杜門六載所著有五經要略

嘗言自結髮遊聖人之門窮探邃遠今髮星星矣大懼年數之不足其於他道蓋未遑及也卒

謚文靖累

贈秦國公

魏新之

宋字德夫桐廬人咸淳辛未進士授慶元府教授考試永嘉竣事同列卽治裝行新之間

故皆曰士被黜者將生譁不如避之新之笑而獨畱果有一士問扶辭色甚厲新之曰爾文固嘉如犯不可何某行某字正係廟諱吾以筆圈之命左右取示之士慙沮引退在官以濂洛關閩正學爲己任推明中庸性道教奧旨反覆殆盡德祐丙子元兵入臨安府游軍至鄞時學設兩教授號東西廳教授王樸憤甚曰吾儕死生決于今日矣新之從客答曰非止今日有生之

初已定不若聽之顏色不少變

魏伯陽

宋吳人作參同契五相類其說似解周易其實論作丹之意復作補塞遺脫一篇演丹經

之奧多以寓言

借事隱顯異文

尉

鄭大夫尉

尉之後

尉

繚

周尉氏人有賢名魏惠王時著兵書五卷號尉繚子

尉興慶

南北都督西魏追高歡逼近興慶百箭殺百人矢盡而死

貴

風俗通云陸終之後望出常山

尉

卷十七

尉貴既喻

三十七

貴

遷

漢廬江太守

既

吳王夫槩之後
避仇改爲既氏

既

良

漢南安長史

六御

喻

喻

猛

漢字驕孫和帝時蒼梧太守以清白爲治郡人頌之曰於惟蒼梧交趾之域大漢惟宗遺

以仁

德

喻

歸

晉撰西河
記三卷

喻

合

晉字匡孫南昌人好學不慕榮寵隱居廬
山北阜布衣蔬食三十餘年武帝徵不起

喻

鳧

唐謁杜紫微不遇曰我
詩無綺羅鉛粉宜不售

喻明仲

唐名陟陸州人妙於長笛持節數郡每出
按行至山歌佳處馬上臨風輒快作數弄

喻

樗

宋字子才建德人少慕伊洛之學受業于楊
時建炎中登進士累官工部員外郎知蘄州

孝宗卽位用爲提舉浙東常以治績聞樗爲人
質直好議論尤善識鑒嘗言沈晦張九成進士
當第一後果然樗有二女富人交請婚不許及
見汪洋張孝祥曰佳婿也遂以妻之所著有中

庸大學論語解

及玉泉語錄

喻良能

宋義烏人累官至太常寺丞嘗進忠義傳二十卷孝宗深加歎賞卽命頒行以開縣男致

仕所著有諸經講議

香山集與忠義傳

喻

偁

宋字伯經義烏人慶元間舉進士歷慶元府觀察推官改奉議郎僉書鎮南軍節度判官

尋陞朝奉郎初偁久從諸縉紳遊幕中多新進

少年議論多不合偁歎曰吾髮已種種寧能與

翩翩小兒較短長哉遂請祠歸所著有隨類錄

二百卷蘆隱類稿五十卷首論六經之功用云

喻南疆

宋義烏人少負奇氣從陳亮遊時當路欲排善類指亮爲首煅煉刺骨門人噤不敢言南

顧

綜

謂責同門謂陳先生無辜蒙罪吾曹爲弟子怒髮衝冠乃影響昧昧是得爲人類乎亟走

見葉適適日子真義也卽秉燭作數字

南疆持之去伸訟諸公卿間亮冤遂白

豫

苑見姓

豫

讓

周上黨人仕晉智伯智伯爲趙襄子所滅爲之報仇變姓名爲刑人挾匕首欲刺襄子不

果又漆身爲癩吞炭爲啞伏于橋下爲襄子所獲於是襄子面數豫讓日子不當事范中行氏乎智伯滅范中行氏而子不爲報讎反委質事奢伯智伯已死子獨何爲報讎之深也豫讓曰臣事范中行氏范中行氏以衆人遇臣臣故衆人報之智伯以國士遇臣臣故國士報之襄子

乃喟然歎泣曰嗟乎豫子之爲智伯名旣成矣寡人舍子亦已足矣子自爲計寡人不舍子使兵環之豫讓曰臣聞明主不掩人之義忠臣不愛死以成名君前已寬舍臣天下莫不稱君之賢今日之事臣故伏誅然願請君之衣而擊之雖死不恨非所望也敢布腹心於是襄子義之乃使使者持衣與豫讓豫讓拔劍三躍呼天擊之曰而可以報智伯矣遂伏劍而死死之日趙國之士聞之皆爲涕泣

七過

顧

武陵羽音顧伯夏駁侯國也子孫以國爲氏又漢封勾踐孫顧余侯因氏

顧

綜

漢字文緯吳人明帝時辟有道歷御史大夫尚書令吳丞相雖其後也

顧

翽

漢吳人少失父事母孝母好食雕胡飯常帥子女躬自採擷導水鑿川供養家近太湖湖

甲乃生雕胡無復雜

草郡邑表其閭舍

顧

雖

三國吳郡人從蔡邕學琴書雖異之曰卿必有成故吾以名與卿雖遂與伯喈同名字元

嘆言為邕所嘆也為人寡言舉動當時仕吳歷

合肥婁曲阿上虞長皆有治跡遷會稽郡丞行

太守事吏民歸服孫權敬之嘗親拜其母于庭

後為丞相凡十九年封醴陵侯卒謚肅侯權

嘗曰顧公在座使人不樂其見憚如此長子

邵字孝則博學惇行少與舅氏陸績齊名孫權

妻以兄女出爲豫章太守郡大治引拔才俊後
卒于郡時雖盛集僚屬自圍棋外啓信至而無
兒書雖神氣不變而心可其故以爪掐掌血流
沾褥賓客旣散方歎曰已無延陵之高豈可有
喪明之責 邵子譚字子默弱冠與諸葛恪爲
太子四友後領尚書事 雖孫榮字彥先父穆
宜都太守榮神機朗悟與陸機兄弟同入洛時
號三俊拜郎中歷尚書郎廷尉正後元帝鎮江
東以爲散騎常侍 廣陵相陳敏反假榮丹陽
內史榮以白羽扇麾之其軍自潰因號麾羽渡
楊修詩云羽扇一揮風偃艸策勲多藉顧丹陽
彥先好琴及喪家人以琴置靈床上張季鷹往
哭之徑上床鼓琴作數曲竟撫琴曰彥先頗得
賞此否因大慟不執孝子手而出 榮嘗應人

請覓行炙人有欲炙之色因輒已施焉同坐啗之榮曰豈有終日執之而不知其味者乎後榮爲趙王倫所執或有救已者問其人乃受炙人也

顧

和

晉字君孝總角便有清操族叔榮器之曰此吾家麒麟興吾宗者必此子也始爲楊州從

事月旦當朝未入頓停車州門外周侯詣丞相歷和車邊和覓蝨夷然不顧周旣過反還指和心曰此中何所有和搏蝨如故徐應曰此中敢是難測地周侯旣入語丞相曰卿州吏中有令僕才仕至

尚書令

顧

含

晉字弘都少有操行以孝聞於時論者以王導帝之師傅名位隆重百僚宜爲降禮太常

馮懷以問於舍舍曰王公雖重理無偏敬降禮之言或是諸君事宜鄙人老矣不識時務旣而告人曰吾聞伐國不問仁人向馮祖思問佞於我我有邪德乎人嘗論少正卯盜跖其惡孰深或曰正卯雖奸不至剖人充膳盜跖爲甚舍曰爲惡彰露人皆加僂隱伏之奸非聖不誅由此言之正卯爲甚衆咸服焉

顧

顯

晉字孟著吳郡人少有重名嘗以酒勸周顗顗不受顯因移勸柱而語曰詎可便作棟梁

自遇顗得之欣然遂爲矜契大興中爲散騎常侍早卒時爲悼惜之

顧悅之

晉字君叔與簡文同年而髮早白帝問其故荅曰松柏之姿經霜猶茂蒲柳之質望秋先

零仕至尚

書左丞

顧愷之

晉字長康無錫人博學有才氣嘗爲桓溫及殷仲堪參軍謝安深器重之善丹青圖書每畫人成數年不點目睛曰傳神寫照正在阿堵耳義熙初爲散騎常侍尤信小術以爲求之必得故世傳愷之有三絕才絕菽絕癡絕嘗爲虎頭將軍人號顧虎頭所著有文集及啓矐記行于世或問長康君筆賦何如稽康琴賦答曰不賞者必以後出相遺深識者亦以高奇見貴桓征西治江陵城甚麗謂僚佐若能目此城者有賞長康卽目曰遙望層城丹樓如霞恒賞以二婢每食甘蔗自末至本云漸入佳境愷之爲吏部郎中時於庭中植嘉樹曰吾爲憲

之植耳 憲之愷之孫字士思南齊時初仕宋
爲建康令斷盜牛者人稱神明歷衡陽內史風
化大行還爲太尉從事加建威將軍性清直故
都下飲酒而醇者稱爲顧建寧言其清且美也
累守臨州郡資無擔石及歸環者
蕭然所著詩文并衡陽記數十卷

顧

協

南北字正禮榮之後清介有奇操初爲廷尉
冬日衣單衣蔡子度欲解衣與之不敢言謂

人曰顧郎難衣食者將成婚值母喪免喪後不
復娶至六十餘此女猶未他適協義而迎之卒

無嗣

顧寶光

南北琛子善畫全法陸探微宋大明中爲尚
書水部員外郎尤善行書卓越多奇王僧虔

嘗作飛白書以寄之寶光

曰下官今爲飛白屈矣

顧

初

南北吳人嘗有牛暴其禾初見牽牛陰涼木下刈芻飼之牛主愧服不敢暴焉

顧

歡

南北字景怡鹽官人年六七歲父使之田中驅雀歡作黃雀賦而歸雀食稻過半父怒欲

撻之見賦乃止貧無以受業每于舍後聽人誦書無遺忘者夕則燃松節讀書有孝行母亡水漿不入口者七日廬于墓遂隱不仕南齊高帝召爲太學博士不就賜以麈尾素琴歡晚節服食不與人通每旦出

戶山鳥集其掌取食

顧

越

南北字允南鹽官人祖道望父仲成俱顯于齊梁越自幼承家學于書無所不讀仕梁爲

參軍嘗侍講議論宏遠武帝深重之侯景之亂
避難東歸賊數授以爵位不受卒年七十七所
著有毛詩等

疏義四十卷

顧凱之

南北字偉仁山陰令政尚清簡案無留牘口
垂簾端坐而已幸臣戴法興權傾人主而凱
之未嘗降色或有嫌其風節過峻者凱之曰
辛毗不云乎孫劉不過使吾不爲三公耳

顧野王

南北字希馮吳郡人七歲讀五經九歲能屬
文天文地理卜筮篆隸奇字無所不通撰玉
篇及國史地輿志今秀州有顧亭湖野王讀書
堆仕梁歸陳爲黃門侍郎

顧彪

隋餘杭人大業中爲國子助教秘書
學士所著有古文尚書義疏二十卷

顧生

唐大厯中以書游諸侯之門每畫先貼絹數十幅於地乃持墨汁及調諸彩色各貯一器

使數十人吹角擊鼓齊聲喊叫生著錦襖錦緙頭飲酒半酣繞絹貼走十餘匝取墨汁攤寫絹上次寫諸色乃以長巾一頭覆於所寫之處使人坐壓已執巾角而曳之廻環既遍然後以筆墨隨勢開決爲峰巒島嶼之狀

顧少連

唐字夷仲和之遠孫舉進士補登封主簿邑有虎孽移文獄神虎不爲害德宗時爲翰林

學士歷吏部侍郎裴延齡方橫少連挺笏將擊之會解而止轉京兆尹政尚寬簡進吏部尚書卒謚曰敬

顧

况

唐字通翁海鹽人善屬文尤以詩名于時白居易少時以詩投况况戲曰長安物貴居大

不易及見原上艸篇曰有句如此居易何難况嘗於御溝得一梧葉葉上有詩云一入深宮裏年年不見春波間寫紅葉寄與有情人况取葉答詩云花落深宮鶯亦悲上陽宮女斷腸時帝城不禁東流水葉上題詩寄阿誰官止著作郎結廬茅山下累召不起自號華陽山人予非熊唐池州人少與諸賢肄業九華山文名籍甚登第後杜門著書後起修三朝實錄加虞部員外郎所著有鳳策聯華

編昭亭

雜筆共五十卷

顧德玉

唐字

潤之嘗從俞觀光學觀光無子嘗語人曰吾自寢疾潤之侍湯藥情若父子醫為感

勤弗忍受金我老必耗之以死尋訪醫吳中疾革趣舟歸潤之次尹山而觀光卒潤之奉其屍歛於家衰經就位士人爲潤之來弔者拜之明年葬顧氏先人之旁歲時享祭惟謹或問歛于家禮與潤之曰吾聞師哭于寢又曰生於我乎養死於我乎殯非家歛之其將尸諸草莽乎生服其訓死而委諸艸莽仁者弗爲也

顧全武 五代

勇將

顧忻

宋泰州人十歲喪父以母病葷辛不入口者十載每雞初鳴具官帶率妻子詣母室問所欲如此者五十年母老目不能視物忻日夜號泣祈天母目忽明年九十餘無疾而終

傅

清河商音

傅

說

上古有賢德傅巖之下有水壤道常使胥靡築之說為胥靡代築以供食殷高宗夢得之

用為相書云若濟巨川用汝作舟楫若歲大旱用汝作霖雨若作酒醴爾惟麴蘖若作和羹爾

惟鹽

梅

傅

寬

漢高祖定元功十八人位次寬第九封為陽陵侯

傅

俊

漢字子衛襄城人光武徇襄城俊以縣亭長迎軍拜為校尉累從征伐有功拜積弩將軍

封昆陽侯雲臺

二十八將中人

傅

毅

漢字武仲茂陵人博學能文以明帝求賢不
篤士多隱處嘗作七激以爲諷章帝以爲蘭

臺令史拜郎中與班固賈逵共典校書文雅顯
于朝廷毅早卒著詩賦誄頌連珠凡二十八篇

傅介子

漢義渠人年十四好讀書嘗棄觚而嘆曰大
丈夫當立功異域何能坐屋子下作老儒生

後以從軍爲官先是龜茲樓蘭嘗殺漢使者昭
帝時介子以使大宛至其國斬樓蘭王首還詣

闕下以功封

爲義陽侯

傅

喜

漢字稚遊哀帝朝丁傅二家驕侈喜獨謙退
守節上賜黃金百斤以光祿大夫養病封高

武

侯

傅

彤

三國義陽人從先主伐吳先主退軍彤斷後拒戰兵人死盡吳將語彤令降彤罵曰吳狗

何有漢將軍

降者遂戰死

傅

玄

晉字休奕寧州人好學以文章名爲御史中丞每有奏劾或直日捧白簡整簪帶踈踊不

寐坐而待旦于是貴游懾伏臺閣生風撰魏書若干卷行于世子咸字長虞雅負大節作詩

多規鑒語庾純曰得風

人之致官太子洗馬

傅

渾

晉仕爲襄邑令江革頌云乃冰其清乃玉其白風抗其高雲垂其澤君有遺愛民有遺思

傅

岐

南北字景平梁武帝除始新令縣人有因鬪相毆而死死家訢郡郡錄其仇人考掠備至

終不引咎若乃移獄于縣岐卽令脫械以和言
問之便卽首服法當償命會冬節至岐乃放其
還家獄曹掾固爭曰古者有此今不可行岐曰
其若負信縣令當坐竟如期而反太守深相歎
異遂以狀聞岐後去縣人無老
少皆出境拜送號哭聞數十里

傳僧祐

南北爲山陰令有能名子琰字季珪仕宋爲
永康令遷山陰二縣稱爲傳聖孫劔由吳令

轉山陰亦以循良著世傳諸傳
有治縣譜子孫相承不以示人

傳

昭

南北字茂遠北地靈州人泊然靜處不妄交
遊袁粲每經其戶嘆曰經其戶寂若無聲披

其室其人斯在豈非名賢梁天
監中爲黃門侍郎兼御史中丞

傅永

南北字修期清河人有氣幹勇力過人仕魏兩月間討平寇亂獻捷者再拜中書博士卒

嘆曰上馬能擊賊下馬作露布惟

有傳修期耳年八十餘尚堪騎射

傅大士

南北生傳宣慈家娶劉氏嵩頭陀命臨水觀影乃見圓光寶蓋大士笑而悟梁天監中講

經九鳳

山下

傅奕

唐鄴縣人武德中爲太史令上疏除佛法略曰不忠不孝削髮而揖君親遊手遊食易服

以逃租稅僞起三途謬張六道竊人主之權擅造化之力蕭瑀詰之奕曰蕭瑀不生於空桑乃

遵無父之教上亦惡僧尼耗蠹天下命沙汰之奕嘗病太宗得胡僧能立呪人死復呪而甦驗

之以告奕曰此邪術也邪不能干正使咒臣必
不行咒之不覺頃之其僧立仆遂不復甦奕嘗
醉臥蹶然起曰傅奕清山
白雲人也因醉而死惜哉

傅

師

唐字子言治春秋工書有楷法舉進士權德
輿於門生中推爲顏子入翰林爲學士歷尚

書右

丞

傅

霖

宋青州人少與張詠同學霖隱不仕詠旣顯
求霖者三十年不可得及詠知陳州乃來謁

闍吏白傅霖請見詠責之曰傅先生天下賢士
吾尚不得爲友汝何人敢名之詠問霖昔何隱
今何出霖曰子將去來別子
爾公曰詠亦知之後一月卒

傅堯俞

宋字欽之十歲能文未冠及第重厚寡言遇人不設城府人不忍欺論事君前略無回隱

退與人言不復有驚異色素與王安石善熙寧初自知廬州入京時方行新法安石謂之曰舉朝紛紛俟君來久矣將以侍諫院處君堯俞曰新法世以爲不便誠如是當極論之安石怒遂不用司馬光嘗謂邵雍曰清直勇三德人所難兼吾於欽之畏焉雍曰欽之清而不耀直而不激勇而能溫是爲難耳官至中書侍郎及卒太后謂侍臣曰傅侍郎清直一節始終不變金玉君子也方倚以爲相遽至是乎初以力論新法貶監黎陽州場郡守欲檄他吏代王出納堯俞辭曰居其官安可曠其職雖隆冬盛暑必自造治事

傳自得

宋少負文名三應博學宏詞科尤表表其文集云英偉蓋世之才超邁不群之器不能與

世俯仰其文氣骨雄壯波瀾浩渺有至樂齋文

集淳熙中爲宣城太守自得未成童時賦玉

界尺詩語意警拔李公邴異之許妻以女二

子伯壽伯誠聯第伯壽仕至樞密伯誠仕至侍

郎除集撰

知建寧

傳松卿

宋字子駿墨卿從兄弟省試第一擢甲科累遷考功員外郎所著有樵風溪堂集六十卷

西掖制誥三卷其夏

小正傳最行于世

傳瑾

宋字公寶汝陰人任蔡州助教力學強記尤邃字韻奉先克孝睦鄰喜施嘗教李端愿尚

尚友錄

卷十七

傳路

四十九

名節養器識爲先卒有字林補遺十二卷音韻管見三卷聞見錄十卷藏家有端愿墓序銘

路

內黃商音黃帝封其支子於路子孫以國爲氏又望出京兆潁川

路博德

漢爲右北平太守從霍去病有功封符離侯

路僑如

南北事梁孝王侍遊于忘憂之館爲鶴賦

路隨

唐字南式穆宗朝爲翰林院學士與韋父厚掇六經粹要題爲六經法言凡二十篇文宗

朝同平

章事

路

巖

唐字魯瞻年少自監察入翰林崔鉉曰路十如今便入翰林如何到老不出長安城十年

至宰相咸通初同平章事時年三十六兼中書令後出爲西川節度使以能致諸蠻來朝封爲

魏國

公

路

振

宋字子發湘潭人父洵美事馬希杲署連州從事謝病終振淳化中舉進士太宗試卮言

日出賦就試者茫然獨振所作典瞻擢甲科通判邠州時小錄用綾人謂之五金花帖後知制誥文詞溫麗屢奏賦頌爲名輩所稱尤長于詠詩有集二十卷

路德延

宋數歲能詩賦芭蕉云葉如斜界紙心似倒抽書

步

平陽羽音晉大夫步陽之先食采於步因氏焉

尚友錄

卷十七

路步度

五十

步叔乘

周字子車齊人孔子弟子力扶聖道
後世追封博昌侯從祀孔子廟庭

步騭

三國字子山淮陰人避難江東種瓜自給孫
權爲討虜將軍時召爲主記及稱尊號累遷

驃騎將軍領冀州牧前後薦達屈滯救解患
難多所濟益後爲丞相被服居處如書生時

步

熊

晉字叔熊少好卜筮術數門徒甚盛熊學舍
側有一人燒死吏持熊諸生謂爲失火熊曰

已爲卿卜得其人矣使從道南行當有一人來
問得火王來者便縛之吏如熊言果是耕人自
言草惡難耕故燒之忽風起
延燒遠近實不知艸中有人

度

古掌度之官
因以命氏

度

穀唐詩人

度

正

宋合州人紹興初進士早從朱文公誨以正心誠意之學歷官國子監丞上疏極言李全

必反且獻取全之策有三累遷禮部侍郎致仕所著有性善堂文集

瓠

苑見姓

瓠

巴

上古善鼓琴

務

苑見姓

務

光

上古見列仙傳

布

見姓苑望
出江夏

布

子

周趙人
善相馬

訴

訴

梵

漢章帝時
人治歷數

八霽

衛

河東羽音周文王第八子
康叔封于衛以國爲氏

衛

颯

漢字子產修武人家貧好學隨師無糧常傭
以自給建武初除侍御史遷桂陽太守理卹

民事居官如家修庠序之教邦俗從化後漢循吏傳舉天下郡國三百餘年僅得十二人颯其

首程

也

衛

宏

漢字敬仲東海泗人仕爲議郎少從九江謝

曼卿受毛詩作詩序後更受古文尚書于杜

林爲作訓旨時濟南徐巡師事宏亦以儒顯由

衛

綰

漢太陵人初事文帝爲中郎將及景帝立以

綰廉實無他賜拜河間王太傅遷御史大夫

至丞

衛

青

漢字仲卿平陽人本姓鄭微時有一鉗徒相

之曰貴人也當封侯武帝朝拜大中大夫凡

七出擊匈奴立大功威震雲中上谷待士卒有恩遇賢大夫以禮封長平侯益封八千七百戶

青三子伉不

疑登皆封侯

衛

覲

三國字伯孺安邑人漢末曹操辟司空掾屬魏初拜侍中與王粲並典制度明帝時封閼

鄉侯覲以文章顯好古文鳥篆隸

草受詔典著作撰述至數千篇

衛

瓘

晉字伯玉晉咸寧初加侍中時索靖爲尚書郎俱善草書號一臺二妙子恒字巨山少

辟司空齊王府聘太子舍人秘書丞恒善草隸書爲四體書勢後同父瓘遇害贈長水校尉謚

蘭陵貞世子恒長子瓘次子玠玠字叔寶風

神秀異總用乘羊車入市見者咸曰誰家貴人

其舅王濟歎曰珠玉在側覺我形穢又曰與玠遊若明珠之在側朗然照人好談玄理王澄每聞其言嘆息絕倒時語曰衛玠談道乎子絕倒玠妻父樂廣有海內重名時以爲婦翁冰清女壻玉潤仕晉爲太子洗馬後移家建業人士聞其名觀者如堵年二十七卒時人謂看殺衛玠玠嘗謂人有不及可以情恕非意相于可以理遣故終身不見喜慍之色

衛玄

南北字文昇任魏爲京兆尹鎮京師文帝曰關右之任一以委于公賜玉麟符以代銅獸

衛濟川

南北有六鶴日以粥飯啖之三年識字濟川檢書只令鶴銜取鶴一一無差

衛大經

唐篤學善易口無二言則天降詔徵之辭疾不赴與魏州人夏侯乾童有舊聞乾童母卒

徒步往弔之鄉人止之曰當夏溽暑豈可步千里致書可也大經曰尺書無能盡意遂行至魏州會乾童出行大經造門設席行弔禮不訊其家人而還開元初畢構爲刺史謂解令孔愼言曰衛生德厚宜有旌異古人式干木之間禮賢故也愼言造門就謁時大經已年老辭疾不見嘗預筮死日先鑿墓自爲誌文果然如筮而終

衛

莫

唐詩人

衛公佐

宋字轉之華亭人事繼母以孝聞族里有不能婚嫁者悉助資以遣之聚書數千金禮四方賢士教訓子弟縣未有學捐地爲址弟公亮公望並敦行義時推隆之

衛涇

宋字清叔華亭人舉進士第一歷事三朝憂國忘家始終一節嘗曰官爵自有定分名誼

千古不磨誅韓侂

胄其力也謚文節

衛

湜

宋字正叔吳人嘗集禮記諸家傳註爲書一百六十卷名曰集說上之官至朝散大夫寶

謨閣真學

士知袁州

衛

謙

宋字山甫華亭人嘗立義庄以贍貧建義塾以敎學者所著有易管見

衛富益

宋華亭人宋亡日夜悲泣設壇爲文祭故相文天祥陸秀夫及張世傑聞者無不墮淚門

人謚曰正

節先生

桂

天水羽音又望出燕郡姓苑云漢城楊炅橫四子避難一居幽州姓桂

桂

詢

晉著略
例跡

桂萬榮

宋字夢協滋溪人慶元二年進士授饒之餘干尉邑多豪右一裁以剛介御小民以慈愛

秩滿民爲乞留子弟獲其訓廸恥爲不善調建康司理時相史彌遠欲招致之萬榮不謁赴任歷官直秘閣遷尚書右丞奉祠家居嘗築室東山之麓讀書其中取古人資于折獄者類爲一書名曰棠

陰比事

芮

平原徵音周司徒芮伯萬之後

芮廷章

唐鉅國
秀集

芮及言

宋字子及雪川人知上高政事精勤容貌嚴厲一縣畏憚之號爲小監司嘗書所坐屏後

曰少飲酒飽餐飯勤出廳公事辦蒞官三載終始如一及代前一日猶痛治一猾胥聞者悚然

芮

曄

宋字國器烏程人與弟暉力學起家號二芮同入太學紹興戊辰同登科第在館學雍容

儒雅人推之後爲司業晚歲詩益奇有文集藏于家暉仕至兵部尚書因賦牡丹詩忤秦檜

被謫檜死再和牡丹韻云

寧令漢社稷變作莽乾坤

芮國瑞

宋仕爲桐川簿過倪偁曰與我遊者皆有歌詩然金玉之賜不如藥石之贈公曰建平吏

點民奸子何以處之曰以嚴馭吏以恕待民奉
公以勤律身以儉交同僚以誠暇日讀吾所未
見書以贈其所

未至公善之

計

京兆宮音又
望出齊郡

計

然

周名研范蠡之師也蠡既雪會稽之恥嘆曰
計然之策十越用其五而得志今吾欲用之

家乃之陶冶產

致鉅萬爲朱公

計有功

宋居魏公幕府紹興中遣
詣行在奏對獻所著晉鑑

厲

景陽角音齊
厲公之後

厲歸真 唐善書

厲玄 唐詩人

世苑 見姓

世碩 周陳人七十子之弟子著世子二十卷

吞 音桂城陽太守被誅子一避難徐州姓吞今臨海有此姓望出弘農號略

吞道元 漢著天公論

隸苑 見姓

隸首

上古善算

系

系

謹

唐揚子人仕至補闕善卜夢一人夢松生戶前一

字重來呼魄之

象二人果俱卒

薊

內黃

薊子訓

漢建安中人見在長安與一老翁摩挲銅人曰適見鑄此近百歲矣時號為薊先生

濟

濟

火

漢爲牂牁帥一名濟濟火善撫其衆時聞諸葛武侯南征通道積糧以迎武侯大悅遂命爲先鋒贊武侯以平西南夷擒孟獲及歸克晉里犵狁氏拓其境土武侯以昭烈命封爲羅甸王卽今安氏之遠祖也

尚友錄卷十七

終

尚友錄

